


CHINA

Hun yin

# 南 拍 姐 婚



白天地



**PLEASE DO NOT REMOVE  
CARDS OR SLIPS FROM THIS POCKET**

---

**UNIVERSITY OF TORONTO LIBRARY**

---

HQ

743

H83

1922

V.1

East Asia



家庭寶鑑

# 婚姻指南總目

苦海餘生總纂

樊樊山先生序

易實甫先生序

弁言

第一編 婚姻總論

苦海餘生著

第二編 男女心理研究法

李定夷著

第三編 男女交際法

周化龍著

第四編 男女通信法

貢少芹著

第五編 婚姻準備法

江季子著

第六編 男女婚姻衛生法

張械泉著

婚姻指南 總目

一



婚姻指南 總目

二

第七編 家政處理法

吳棘夫著

第八編 愛情增進法

胡寄塵著

第九編 馴悍療妬法

吳倚緣著

第十編 閨中消遣法

朱一麐著

第十一編 婚姻風俗談

爛柯山樵著

第十二編 西洋婚姻談

劉人境著



# 婚姻指南序

其二

樊山

孔子刪詩首關雎。君子以正始。美之。夫亦曰。男女居室。人之大倫而已。倫敦而後家齊。家齊而後國治。國治而後天下平。二南之化。實關雎有以基之。故古之時。無苟合。有父母之命。有媒妁之言。非階級之制度也。曰。必由於道。天經地義。昭昭如也。歐美各國政令。多出於軌道。獨於男女居室。取放任主義。豈習俗使然哉。鑒於家庭專制之失。而爲男女者。愛好多。不終。於是從情字。推想。冀維大倫。於不變校而言之。中國之階級制度。與各國之放任主義。所謂得其兩端者也。古道浸衰。歐風東漸。少年者。血氣未定。不便於束縛。而便於自由。近數年來。男女戀愛之風。駸駸以盛。然鍾于情而



未能止乎禮。其行動乃涉于桑濮。幾不識人間有羞恥事。而猶嘵嘵曰。愛情可以維大倫也。將誰欺。欺人心乎。欺世道乎。劉子哲廬憤乎自由之禍。世而又憫少年者之不善用情也。著婚姻指南一書以箴之。既竟。乞言于余。此固余之同情。而又爲詩酒耽誤。靡遑搜輯者也。關雎化二南。余將馨香禱之。

戊午孟夏之月。恩施樊增祥識。



# 婚姻指南序

其二

實甫

余初得劉子哲廬書。視其別署曰苦海餘生。疑爲飽嘗苦辛而又艱于遭際者。及石遺來京。訪余於寓廬。始知其綺年擅文。富于思想。一與余弱冠時無稍異也。余曩號哭。好爲側豔之詩。坊間以訛傳訛。誤爲笑。而劉子有佳兒佳婦之作。畏廬稱爲絕代銷魂。幾何不使余疑劉子爲樂海中也。哉。劉子吉席。余已以賀新郎詞賀之矣。而今年書來。謂將有婚姻指南之作。豈將本其閱歷所得。而以之公世乎。信如是。則劉子此舉。將爲通信教授。生色不少也。適樊山在座。余戲及之。樊山曰。側聞海上出版界之沈腐于斯爲烈矣。人盡沐猴而冠。效法他人。爲登場之優。孟而不知創新。



異。以。樹。幟。劉。子。婚。姻。指。南。之。作。其。將。痛。革。舊。思。想。增。進。新。智。識。歟。  
豈。惟。以。雋。纖。之。筆。寫。男。女。之。情。而。已。哉。子。曷。以。余。言。爲。之。叙。余。惟。  
劉。子。不。及。陸。機。之。年。而。桃。李。盈。門。聲。震。薄。海。賢。婦。在。側。畫。眉。堪。娛。  
間。或。爲。綺。語。豔。詩。以。自。消。遣。則。洵。乎。享。盡。人。間。之。樂。趣。矣。尙。何。得。  
謂。之。苦。海。餘。生。耶。旣。以。樊。山。之。言。爲。之。弁。端。且。以。馳。告。劉。子。不。若。  
仍。號。劉。郎。之。爲。當。也。劉。子。以。余。言。爲。然。否。

歲在戊午哭尸戲墨



# 婚姻指南弁言

(苦海餘生)

婚姻者人生之大事。畢生憂樂之所攸關也。古者紅絲牽於月老。斧斤執於冰人。任彼雌黃之利口。唾作天花。將我神聖之愛情。視爲草芥。於是而無鹽皆成西子。盧杞亦爲潘安。偶俊士於村姑。嫁才媛於傖父。情天待補。問女媧其何存。恨海難填。嘆精衛之徒苦。美人才子。爲婚姻所誤者。自古及今。蓋不知幾千萬人矣。今則歐風東漸。墨雨西來。自由之神。高秉千尋巨燭。戀愛之使。獨撞萬遍晨鐘。然而風潮所播。人多乘機而自便。習俗已久。事難一旦而變更。因此舊者未能盡革。新者又多盲行。流弊所至。曷忍言哉。嗟夫。滄海無邊。孤舟獨往。不有南針。曷能免迷津之慮。必有鄉導。庶能無失路之虞。鄙人有鑒及此。爰集羣彥。同輯斯編。學折中乎中西。說參考乎新舊。何取自誇慈航。庶幾不愧老馬。所願情場補缺陷之天。情海登極樂之岸。情魔遠竄。情



婚姻指南 弁言

難張情絲一縷。織爲帶而合歡。情彈一丸。化作丹而不老。此豈鄙人之私願。諒亦普天下有情人所同祝者也。偶學駢辭。聊志緣起。



家庭寶鑑 婚姻指南第一冊目錄

第一編 婚姻總論

苦海餘生著

第一章 結婚之本義

第二章 婚姻之原始

第三章 婚姻之沿革

第四章 婚姻之研究

第五章 夫之選擇法

第六章 妻之選擇法

第七章 婚姻自由論

第八章 戀愛自由論

第九章 婚姻改良議



第十章 擇偶不自由之害

第十一章 早婚之害

第十二章 多婚之害

第二編 男女心理研究法

第一章 概論

第二章 心理之作用

第三章 心理之異同及辨別

第四章 心理之比較

第五章 不可有之心理

第六章 不可無之心理

第七章 結論

李定夷著



第三編 男女交際法

周化龍著

第一章 緒論

第二章 交際之要素

第三章 交際之作用

第四章 交際之手段

第五章 交際之禮式

第六章 交際及妝飾

第七章 紹介與應酬

第八章 訪問及談話

第九章 交際親密之原素

第十章 未婚前交際之忌



第十一章 訂婚前之交際

第十二章 交際不慎之害

第十三章 交際時須卜對手之愛情

第十四章 結論



家庭

# 婚姻指南第一編

苦海餘生著

## 婚姻總論

### 第一章 結婚之本義

吾人果何爲而欲結婚。此問題不待思而可答曰。雌雄配合。乃生物自然之理。不期然而然。莫之致而至者也。此不獨人爲然也。卽愚蠢無知之禽獸。肢體不完全之下等動物。苟有生命。皆有雌雄。既有雌雄。卽有配合。不獨動物爲然也。卽一本之木。一莖之草。凡得天地之氣以生者。皆有雌雄。皆有配合。是故雌雄配合。乃生物自然之理。而莫能外之者也。反是則其種族將有滅絕之虞。故無論爲人爲動物。爲植物。其能由太古時代遞傳而至今日者。雌



雄配合之功也。在物類謂之爲配合。在人類謂之爲婚姻。婚姻二字乃有規則之配合也。譬如動物譬如植物其配合也其手續必不如人類之繁。又必不如人類能確守若何之規則。此人類之文明所以異于物類也。此開化人之文明所以異于野蠻人也是故定爲若何之規則。凡配合者皆遵此規則而行。是爲婚姻。

婚姻之本義既略如上文所述矣。然不正當之配合斷不能稱之曰婚姻。蓋以不正當之配合有背於婚姻之要素也。吾人之所以成立婚姻者其要素有三。

(一) 婚姻爲人類之天職。婚姻何以爲人類之天職。以無婚姻卽無人類。故不能不有婚姻。婚姻者使種族趨於繁殖而無滅絕之虞。繁殖種族而使之張盛乃人類之義務。人類欲盡此種義務也必從事於婚姻。



(二)婚姻構成社會之幸福。曷謂婚姻構成社會之幸福也。曰無婚姻則人類必如草木禽獸。盡人皆可配合。其猥雜凌亂必至不堪。自有婚姻以爲限制。於是一夫娶一妻。風俗有肅淨之望。故曰婚姻以構成社會之幸福者也。

(三)婚姻以表示男女之愛情。婚姻者表示男女之愛情也。鳥獸至春夏而交。其相交也亦表示其雌雄之愛情耳。推而言之。野合雖片刻間事。要亦發於情。而至於此。舍以皮肉爲營生者外。決無無愛情而配合者。特其久暫不定。禽獸之交苟且之合。尙發生于情。則婚姻之締結。謂爲表示男女愛情。豈不宜乎。舊式結婚與此義未免背道而馳矣。

## 第二章 婚姻之原始

吾人在太古之時。穴居而野處。茹毛而飲血。其異于禽獸也無幾。舉凡一切



飲食起居。皆無大異于禽獸。豈特配合而已哉。而配合其一端也。此時但有配合。而無婚姻。無論何國何種。其情形莫不如此。固不特吾國已也。而吾國亦其一耳。他國他種婚姻之原始。吾不暇細考。大抵有先覺者出。懼乎婚制不定。人民之紛爭而不已也。于是劃爲一定之制。使人民遵之。則無不同也。若夫吾國。在太古時代。以女子爲一國男子所公有。是故凡蘧氏之民。知有父而不知有母。其於女也。視之如奴婢。待之如俘虜。男子之得妻。則多自標掠。劫奪而來。至庖犧氏。乃制爲儷皮之禮。蓋古時以皮爲幣。儷皮之禮。卽所以酬此女之值也。說者謂此乃變掠奪爲買賣。然此階級寶爲婚制之第一步矣。

## 第三章 婚姻之沿革

婚姻之沿革。難言矣。變遷之跡。沿革之因。複雜萬端。難以一言而盡。大抵自



掠奪變爲買賣此第一步之變遷也由買賣變爲選擇此第二步之變遷也然吾國數千年來婚姻之制仍不能盡脫賣買之習何也凡男子之聘妻也例有聘禮聘禮爲金錢固純然賣買之關係聘禮而爲其他物件是卽賣買之變形也亦可謂進化一級矣且男女之間完全無若何之愛情其使之居于一室也全以父母之命媒妁之言以爲斷鄉僻之地爲之父母者其嫁女也目的惟在于聘禮是非買賣而何再進一級則各注意于選擇男女而不斤斤于聘禮然此乃中等以上社會行之中等以下之社會至今日猶未脫此陋習也直至晚近二十年來歐風東漸吾人始知向者婚制之不良于是提倡須男女自由選擇則又進一級矣今日之現狀已臻于完善與否吾不可得而知是蓋全在行之者之何如耳然自由選擇男女平等爲世界之公理人類之幸福則可斷言也



## 第四章 結婚之研究

結婚乃人生應有之事。無聖無愚無賢無不肖皆應有此一事。吾于第一章既言之矣。然而晚近之人思想發達。竟有目結婚爲一種有妨害之事。于男女皆有主張獨身主義者。其所持之理由亦有多種。有爲男女共同所有者。有爲男子或女子所獨有者。今試分別論之如下。其爲男女共同所有者。卽擇偶爲難是也。無論或男或女。其學問品行高出于常人之上。則不願以常人爲偶也。明矣。然欲求其學問品行與己同等者。又曠世而不可得。即使果有其人。而又各自西東。無緣并合。則與其屈己以求偶也。無甯獨處。以終身。此所謂選偶爲難。爲男爲女所同有者也。其爲女子所獨有者。則以爲一經嫁夫。卽須生育。則卽有種種之困苦。或且受男子之種種束縛。反不如獨身之間。適其爲男子所獨有者。則以爲一經娶妻。則妻之供給兒女之撫育。



均須已一人擔負之將終身奔走于衣食之不暇。盡嘗有精神財力以研究高尙之學問及經營遠大之事業哉。即使家計充足不虞供給爲難。然於其妻之身上多一分愛情。卽于其他學問事業上減一分精神。故無論如何有志之士。一經娶妻。其志氣必逐日消磨。而至于不可復見其結果也。變爲一庸庸碌碌之常人。是結婚誠有害而無利。此亦其一因也。亦有人焉。鑒於其友人未有妻時。則對於父母。對於兄弟。均非常親愛。能孝能悌。一經娶妻。往往變其故轍。二者難以兼顧。於是慨於有妻。卽不能孝。悌毅然持獨身主義。此又一因也。有以上種種之原因。故男女皆願以獨身終。然以記者之眼觀之。豈特此數端以言乎。男其對於國也。因妻之故。不能專心一志。盡力於社會上公益之事。不能專心一致。研究學問。爲國家增光。因之國家有此一人。而不爲多。無此一人。而不爲少。然使此人無妻。則必能爲國家人民增幸福。



故意大利豪傑加富爾終身不娶曰吾以國爲妻非是必不能盡瘁于國事也愛國與愛妻二者幾乎不可得兼此又結婚不利之明徵也雖然盡如此說也必盡人皆抱獨身主義也則庶乎可矣此不獨違背生物自然之理且使盡人而如此則百十年後地球之上必無人類之蹤跡矣是故結婚與不結婚二者之孰得孰失孰害孰利頗有研究之價值而此一問題亦至難解決者也今姑爲解決之曰婚姻不自由者有百害而無一利男女性情品格學問不相當者雖屬自由而亦害多利少是故青年之擇配偶也必須本此爲之目的性情品格學問完全相等則賢妻正足以相夫其獲益豈更非鮮淺尙有何害然此無害之中尙有一事足以減少夫婦之快樂而增加夫婦之擔負者卽結婚而後卽有子女產出是也苟非家計充足者往往因教養子女之故致不能專心於高尚之學問遠大之事業而推厥原因又結婚爲



之害也。因此問題同時又一發生一問題。即產生子女爲能增進夫婦之幸福。亦即能增進國家之幸福何也。子女他日長大成爲名人。是不特父母享受其福。即國家有榮譽焉。而推厥原因。又結婚爲之利也。且夫一人之事業。往往不能傳之他人。而惟其子孫能世紹之。設使不婚而無子。則本人一死。此學即絕。又不如結婚而有子。反能使其學問傳之而不失也。總以上各說觀之。則結婚之利又多於不結婚矣。惟不良之結婚。純然有害無利。故青年宜慎之也。

## 第五章 夫之選擇法

吾人既認定婚姻崇尚自由矣。然自由之界限甚寬。非可謂崇尚自由即可得無量之幸福也。既得自由之權。猶須知選擇之法。夫之選婦。與婦之選夫。同一例也。今特分別論之。先言夫之選擇法。而後及於妻之選擇法。尋常有



因不知選擇之法。以致誤用其情。而受莫大之累。終身悔之而無及者。爲殷鑒矣。茲爲條舉如下。一女子深處閨中。閱歷未深。往往易爲男子所蠱惑。當男子之求婚於女子也。莫不事事迎合。女子之心理。女子以爲如是。彼無論贊成與否。莫不唯唯從命。幾若其他一切皆可犧牲。惟其意中人之命令。不可違背。此時爲女子者。以爲如此。夫婿真多情人也。於是不惜以真情付託之。殊不知彼男子之所以如此者。乃假面目也。非真情也。女子不察墮其計中。一旦婚約既定。婚禮既行。乃漸漸揭去其假面目。則向之所謂多情者。至此已不知其情之何往。如此人者。吾不敢謂在在皆是。然十人中未嘗無一二人。其女子之閱歷較深者。一見男子之逢迎。不難知其爲假面目也。惟在閱歷較淺之女子。則不自知耳。吾國盛行自由結婚之制。爲時未久而女子之備受此苦者。已不乏人。良可慨也。夫人之行事。有出於常情之外者。苟



非有激而然則其居心必不可測邂逅相遇卽訂知音此人必不可信託西  
諺有云旅店主人殷勤待客其目則注於客人之囊此言能曲曲傳出旅店  
主人之心理由此言而推及他事人之交友亦然也婦之擇夫亦然也故凡  
遇過於熱心之人欲與之爲友當慎之又慎而過於多情之人欲擇之爲夫  
亦須慎之又慎同一理也故非相處日久確知其真性情者不可輕與訂婚  
姻之約又須從彼人待我以外之行事細細察其舉止動靜互相印證則其  
情之爲真爲僞可以立見蓋彼人待我專用一種假面具其待他人及對付  
他事必不常蒙此假面具而不脫吾正可於此時窺其真面目矣二女子  
性情往往偏執愛憎亦往往偏於極端譬如戀愛一人之才則卽以此人爲  
完全好人殊不知有才而乏行者亦往往而有然在女子心理以爲以其才  
學旣如是則品行必佳或且不計及其品行但以爲才旣如是即可爲夫范



茫與之結婚其結果也亦屬不良者多而良者少他日悔之已無及矣（三）女子見解較淺其擇夫也往往以其家產之多寡爲第一之標準必先問家產後及其他殊不知赤手成家者正有人在而揮霍傾家者亦不乏人也又或以其人之容貌爲標準不問品行學問之優劣惟問容貌之美醜（按容貌固所當擇然不能專以容貌爲標準眇目跛足者固不堪而油頭粉面之少年又豈良偶哉）一著錯誤貽害終身以上所述在讀書較多見理較明之女子必不陷此覆轍惟讀書少而見理不明者往往受其害也（四）往往因一時感情作用輕訂婚姻並未曾再三思維當其訂約之初彼此氣盛執行不疑及至細細研究乃有許多不滿意之事發現矣是故趁一時之意氣而行事者決無良好之結果夫何爲趁一時之意氣譬如甲女有一意中人一旦爲乙女所見亦引爲意中人於是甲乙二女乃立於情敵之地位彼此



不肯相讓。實則此人之學問品行。亦不過爾爾。乃甲乙均爲感情所激。遂不暇細察此人之品學。但欲爭得之。而不爲他人所有。其心卽快。夫旣不暇細察其品學。則選擇之手續不周。而結果必不佳矣。此一例也。又如女子在危難之中。被人拯救。是人卽恩人也。其人卽向之求婚。爲此女子者。將允之耶。抑却之耶。是亦待研究之問題也。允之則嫌其人品學不優。却之則又非感恩之人所應爾。殊不知報答一事也。婚姻又一事也。二者界限攸分。不可混合。爲一。吾旣受其恩惠。吾能盡吾之力。以所應報者報之。斯已足矣。至於婚姻。乃終身一問題。決不可牽涉彼此。并爲一事。然女子往往感情用事。因恩惠而牽及愛情。且誤認恩惠爲愛情。而又生出不完美之結果。此又一例也。大凡女子之選夫者。能先明以上所述四者之理。則受害自少。而得果多佳。旣明以上四者之理。又須慎行選擇之法。其法有可得而言者焉。(一)所懸



擬之資格有五。一曰品行。三曰學問。三曰容貌。四曰門第。五曰家產。五者之中。倘能俱全。固是佳事。然懸此資格。萬人之中。不能覓得一人。也不得已。而求其次。則去家產。而求其他四者。再不可得。又求其次。則去家產。容貌。而求其他三者。三者之中。品行學問。最爲重要。然門第。亦不可忽。蓋社會習慣。如是非然者。必爲人所輕視。此不特中國爲然。卽歐洲各國。亦莫不如是也。至若按之平等之說。則門第。直可廢棄。是在選擇者之自擇耳。二當於有意無意中。求之。不可過於匆促。苟非相知已深者。不可輕訂婚姻。三必須求性情相合者。譬如品行學問。均占優勝。然而性情不同。志趣各異。婦則潛心科學。夫則熱心政治。婦則留意教育。夫又立志從軍。各人之所志。莫不各是其是。語曰。道不同。不相爲謀。聚不同志之人。共居一室。雖欲爲友。抑且不可。而況乎爲夫婦耶。故是選夫者。必求性情相同。四必求學問相等。夫人之



學問高低不齊在女子之選夫者以所懸之標準莫不以第一級爲歸殊不知夫之學問在第一級已之學問乃在第三第四級吾得此人而爲之夫在我誠爲莫大之榮矣然試反而觀之彼以第一流人物自欲求第一流之人而爲之偶今彼所得者乃在第三第四流其心之不平自不待言而可喻當訂婚之初雖由女子用種種方法使之訂婚然終不能消其胸中不平之氣其結果必不良亦不待言而可喻也是故已之學問居於第三第四級毋寧擇第三第四流之人物爲夫雖有第一流人物在前不可勉強以求之也（五）須求真情毋爲假情所蒙蔽真情假情可用種種方法以試驗之必試得其爲真情也然後訂終身之約以上五者選夫之大要也至於臨時執行亦須在用之者之善於變化大抵先知前四之者害又知後五者之法以之求夫善於應用則庶幾可得良好之結果矣



## 第六章 妻之選擇法

吾前章已言選夫之法矣。茲更言選妻之法。夫二者本有相同之處。惟選夫則妻爲主體。選妻則夫爲主體。因主體之不同。其間遂不無差異之處。除相同者已見前章。茲不復贅外。更試言其不同者。選妻之法。有多數人行之而滋弊害者。四端可得而言焉。(一)以容貌爲標準。而不計及其他。此中國舊時之普通習慣也。往往愛其容貌之美。而不顧及性情。卒然娶之。以至於結婚而後。遽占脫輻。其在今日多數人已知此弊。然而少年人血氣未定。見美色而心亂。以致不暇深計。而貽終身以無窮之禍。此則選妻所宜注意者一也。(二)趨附權勢。譬如寒士而欲得顯宦之援助。顯宦亦知寒士之賢也。欲以其女妻之。又如公司職員之見賞於總理者。總理欲以其女妻之。以尋常眼光視之。此寒士及職員皆遇幸運也。殊不知非幸運也。實否運耳。何以言



之。蓋一受其妻父之援助提拔則夫之對於妻也其自由之權剝削殆盡必致一舉一動不得不惟妻命是聽終身爲妻之奴役而妻猶得時時聒其夫曰汝之得有今日皆吾父之力也嗚呼豈不恥哉此則選妻所宜注意者二也（三）却於權勢却於權勢者其事略與趨附權勢相同惟趨附權勢乃出於本人之自願却於權勢乃出於他人之挾迫是不同也至言其結果雖亦相同而却於權勢者比趨附權勢者爲尤苦然其禍亦自取之何也他人以勢力迫挾而我不能抵抗其勢力致爲所迫此仍自守之力不足以至於此故曰其禍亦自取之此則選妻所宜注意者三也（四）利其妝匿世亦有利其妝匿之富不問愛情與否而勉強娶之爲妻者矣其人未嘗不曰愛情不深無害也一爲我妻則匿中物皆爲我有他日者納寵狎娼均惟我爲所欲爲其一時之計未嘗不善殊不知喪失人格爲何如乎不特喪失人格已也



而其所受之結果亦往往與趨附權勢劫於權勢者相同此則選妻所宜注意者四也以上四者在血氣未定之少年及閱歷不深見解淺少之人往往受其害而莫由自訴其苦故當選妻之際必宜慎之又慎既知此弊矣試更言選擇之法（一）心中所懸之標準有四一曰品二曰才三曰貌四曰門第此則與妻之選夫相同惟選夫之標準多一家產此則不計耳四者之中品與才爲最要貌與門第次之（二）須求真情而不可爲假情所誤女子之中亦有以假情感人者選妻者不可不察察之方亦不爲難如彼之戀吾財而欲求婚於我也則僞爲失敗以試之如彼之戀吾美而欲求婚於我也則僞爲衰老以試之其情之爲真爲僞不難立見情之真者不以貧富易其心不以老少易以其志苟初則戀我及見我營業失敗而立即變其心者是彼之所戀非戀我也戀財也初則戀我及見我一旦衰老而立即變其志者是



彼之所戀非戀我也。戀色也。夫我財不能無偶。乏之時而吾色亦不能無衰。老之日是則彼之愛情卽不無改變也。愛情而可以改變是乃假愛情也。非眞愛情也。選妻者是不可爲所誤。三當求其學問略遜於己者。今日之習慣大抵女子皆倚賴男子以爲生活。而在吾國爲尤甚。卽能獨立營生亦往往以謀生於外爲恥。故苟非男子十分貧苦者必盡其力以供養妻。此中國現在之形情也。然妻之學問益深程度益高其眼界亦益大而供養亦益難。則爲之夫者乃不勝其苦矣。故選妻者其妻之學問過低固不足以爲偶。而妻之學問過高亦自貽伊戚。當選擇之時須以己之學問爲衡。如己之學問在第三級則妻之學問須在第四級是爲最善。或同在第三級亦可。如在第五六級則不足爲偶。如在第二級則妻必輕視其夫。故曰妻之程度須略低於己。過低與過高均不可也。或曰夫婦學問之程度似以同等爲宜。今子主



張妻之程度須略低於夫。以便於夫之約束。其妻是猶是專制皇帝。愚弄人民之手段。某竊竊以爲不可者也。余曰。此言誠是。但於理想上則十分完滿。於事實上不無窒礙之處。蓋今日之女子。既須受男子之供養。其程度益高者。則供養益亦難。此吾所謂不得不擇其略低者也。程度略低。則爲妻者自能聽夫之指揮。家政乃易於處置。雖然。此言猶爲尋常女子言耳。若夫賢淑之女子。深明大義。自不至以學問驕其夫者。不在此例也。（四）須視一己所處之境遇。及所任之職業。以爲標準。而選擇其妻之學問。如己之境遇甚佳。職業又極清閒。宜於文學及美術。則於妻也以擅場文學美術者爲宜。蓋必須境遇過佳。而職業閒者。始有餘力以從事研究。（吾所謂文學美術乃指專門而言。如係普通文學美術之知識。則人人所宜有者也。）若乎境遇不佳。而職業冗繁。則其爲妻者。方佐其夫振理家政之不暇。何能有此閒情逸。



致以從事研究文學美術哉。是故境遇不佳而職業冗繁者之選妻也。當以善理家政爲第一要務。不可徒慕彼文學美術之虛榮而受此荒廢家務之實禍也。(五)選妻無論如何。必求其略具教育之知識何也。爲教育己之子。女計也。夫生育子女。既爲娶妻之原因之一。既生子女。亦無不望其子女之成偉大人物也。偉大人物必以良好之教育爲之基本。而學校教育又必以家庭教育爲之基本。家庭教育之良教師非母而誰。今日之吾妻。即他日吾子之母也。故在選妻之時。即當預爲吾子選母之計。苟吾於選妻時不注意於彼有教育智識與否。則他日生子。其在家庭教育之期。即無良教師。家庭教育無良教師。即其所受之教育不能完善矣。他日而欲望其成爲偉大人物。也不亦難哉。是故選妻者。無論一己之境遇若何。職業若何。學問若何。夫與妻之性情若何。其妻均須有教育智識。此智識愈高愈佳。如不能高。亦必



須略具焉。以上五者選妻所須知者也。其他與選夫之法相同者曰母任感情作用曰必須相處之久而相知之深也。然後始可訂終身之約。均於上章詳言之矣。茲不復述。惟吾更有欲言者。卽年少氣浮之人。往往存一種心理曰。擇妻之難。至於如此。吾又何耐。如許繁瑣。何如聽其自然。妻果賢也。吾則安之。妻如不賢。吾亦何妨再娶。納妾可也。離婚而重娶亦可也。噫。存此心者。其人格爲何如乎。吾願吾青年慎勿蒙此惡願。以自墮其品耳。

## 第七章 婚姻自由論

婚姻自由之新名詞。乃發現於歐美。近二十年來。始隨歐風美雨而流入亞東耳。吾中華民族。在三十年以前。固未之聞也。以理而論。婚姻自由。乃不易之理。無古無今。無中無西。莫不以此四字爲終身幸福之一。然在中國。仿效西法。則又往往矯過於正。假婚姻自由之美名。而演出種種不規矩之事者。



此則仿行不善非其制度之不良也。吾人當分別論之。既不可因噎而廢食。又不可不治其噎而強之食也。夫在吾國之人民數千年來久伏於專制政體之下。一舉一動不得自由。卽就家庭而論。婚姻一端。吾人之受其苦也。蓋已久矣。特困於壓力而不敢宣言其苦。只得咨嗟嘆息。悲命之不辰而已。一旦壓力既棄。樊籬盡撤。有不一躍而出於常軌之外乎。猛獸久困於籠中。一旦啓關。有不奔突而出以害人者乎。久餓之夫。一旦見食。而尙能以謙讓相繩乎。人之於自由。亦如是也。是故今日仿行婚姻自由。所收不良之結果。雖不一其端。而爲前此壓迫太甚之反動力。亦其一也。是故今日見此等不良之現狀。不可但加以排斥。而須默施以感化。自此十年二十年之後。此等誤會自由之人。此等利用自由之人。永永不再見於中國。至此提倡婚姻自由者之責任。乃盡。若當婚姻自由萌芽之時代。但見誤會者及利用者演出種



種怪現狀。茫然不察其害之所由來。乃一例謂自由之制不良。又或自由之制雖良。然但宜於歐美。而不宜於中國。此皆不通之論也。然而提倡婚姻自由者。其在今日。有當盡之責任。即吾書所謂默施以感化是也。使在今日。徒知提倡。而不知感化。朝著書焉。夕演說焉。鼓吹自由。惟恐不力。然而不導以正當之途徑。而指以一定之模範。以使他人誤會。而反對者。乃有所藉口。以攻我之說。此則誰之過哉。雖然。吾書上文所言。因婚姻自由。而演出種種怪狀者。其因有二。其一。則誤會自由也。其二。則利用自由也。二者之結果。雖然相同。而誤會者。乃無意之失利用者。乃有心之罪。誤會者。感化易利用者。感化難。是非懲治不可。然究由何人操此懲治之權。此又一難解之問題。惟仍從事感化。感化之方。一面在提倡者。說明其利害。使人自不至於甘心爲惡。一則在有教育之任者。使人民程度加高。則此種敝風。自可漸少矣。然則婚



姻自由與不自由其利害果何如耶吾請得以簡單之言而答之曰婚姻自由（一）則夫婦常和睦而無反目之事（二）則因夫婦之和睦而能增進全家之幸福（三）無半途彼此捐棄之虞（四）彼此可減少其外遇（五）女子亦不至因幽憂鬱結而損其天年（六）婦能助其夫以謀事業之發達學問之增進（七）能得良好之子女以上七者均婚姻自由之利歐美各國行之而有效者也倘婚姻不自由（一）則夫婦常不和睦而時有反目之舉（二）則因夫婦之不和睦而減少其全家之幸福（三）半途相棄者有之而夫爲尤甚（如夫之納妾是卽不啻棄其妻也）（四）彼此多縱情於外遇（五）女子胸心逼仄往往因所適非人幽憂鬱結而折損其天年（六）婦不能佐助其夫且往往爲夫之累爲夫之敵事業因以不能發達學問因以不能增進（七）夫婦不和所生子女亦往往多疾病而不聰穎又或因夫婦不和之



故。而。失。於。兒。女。之。教。育。皆。不。能。得。良。好。之。子。女。也。此。七。者。乃。中。國。舊。時。行。之。而。受。其。害。者。也。今。則。舊。俗。既。廢。新。制。未。諳。於。是。有。如。上。所。述。之。誤。會。與。利。用。二。者。出。焉。誤。會。與。利。用。亦。有。百。害。而。無。一。利。者。也。今。試。分。別。言。其。敝。害。如。下。使。聞。者。有。所。悟。焉。(一)誤。會。誤。會。者。係。腦。筋。不。清。晰。之。人。以。爲。今。日。婚。姻。自由。吾。則。任。娶。幾。妻。可。也。今。日。結。婚。而。明。日。離。婚。可。也。雖。已。娶。而。諱。言。未。娶。更。與。他。人。締。良。緣。亦。無。不。可。也。如。此。者。爲。一。人。一。時。之。計。未。嘗。不。得。然。轉。眼。之間。禍。害。卽。隨。之。而。至。矣。夫。一。人。之。欲。自由。結。婚。者。必。欲。得。其。意。中。人。爲。之。妻。也。欲。得。其。意。中。人。爲。之。妻。欲。享。家。庭。永。久。之。幸福。也。今。因。誤。會。自由。之。故。而。娶。兩。人。焉。其。能。相。安。與。否。不。待。言。而。可。知。至。其。結。局。非。離。婚。卽。離。居。離。婚。則。樂趣。何。存。離。居。則。供給。爲。難。而。其。間。更。有。種。種。困難。不。能。以。一。言。而。盡。此。其。爲。害。一。也。若。夫。先。存。今。日。結。婚。明。日。離。婚。之。心。則。待。及。離。婚。以。後。回。首。前。塵。



有何樂趣。然此猶其幸焉者也。其不幸者。則我欲離而彼不離。又將若之何。又或因離異之故。而生出意外之事。又將若之何。此其爲害二也。若夫先已有妻。諱言未娶。另締良緣。彼此不知。固然相安無事。然終有相知之日。一旦相知。則爲夫之對於新人。對於舊人。均無辭以答。又有何樂。且從此家庭無寧謐之日。法律有科罪之條。欲求離婚。或離居。不可也。夫人之欲得賢妻者。半爲求家庭之幸福。起見。亦半爲求交游間之榮譽。起見。今所爲如此。在當局者。亦莫不望以此博榮譽於交游也。然人品攸虧。難逃衆目。非特求榮不得。適足以取辱耳。或者以片刻之榮。而換得永久之辱耳。夫又何樂而爲此哉。以上所述。專爲男子對於女子而言。然女子對於男子。亦往往有此種誤會者。不過比男子爲少數耳。而女子誤會其所得結果之害。則較男子爲尤甚。更不可不慎也。二二利用。利用者。吾明知其事之不可行。然必藉口於自



由以遂吾一時之妄願。或者亦明知他日之不利。而姑假此以快吾一時之意。他日之害不暇問也。利用者是先存此不良之心。以假此爲藉口之資。與誤會者因迷於自由之說。而引起其不良之行爲者。絕不相同。然其所得之效果。則莫不相同。或則家庭不得一日之安焉。或則供養數妻而不勝其勞。悴焉。或則半途離婚焉。或則因此而生出意外之事焉。或則被親朋所指摘。求樂而反苦焉。總之一己之幸福。必因之剝削。以盡而一己之名譽。又因之攘奪。全無則亦何樂而爲此哉。夫旣明誤會自由。利用自由之爲害矣。則當知正當之自由。正當之自由。卽神聖不可侵犯之自由也。此自由。人人有之。而不可以妄用之。以婚姻自由而言。在已結婚者。無論其前此之婚姻爲良偶與否。必不能再覬覦第二人。在未結婚者。亦當十分審慎。而用之。須爲百年之幸福計。不可爲一時之幸福計也。吾著此書。議論婚姻。本係理論。並非



指一人一時之事實而言。惟此章於中國目下通敵言之爲多。亦自是作者苦心閱者鑒之可也。

## 第八章 戀愛自由論

戀愛自由之說。創自歐洲。出現於近世。其說與婚姻自由。絕不相同。蓋吾人之所謂婚姻自由。無不包舉戀愛在內。而彼所謂戀愛自由者。可以無婚姻之關係。可以無夫婦之名義。而自由戀愛者也。此說雖未見諸實行。然在彼邦倡議而研究之者。已有人在。其說與婚姻本有連帶之關係。故吾書亦不得不論之。戀愛自由。可以脫略夫婦之形迹。似較婚姻自由更進一步。卽凡屬婚姻自由。所不免之種種不良之處。在戀愛自由。似可盡免。凡屬婚姻自由。所不能脫離之種種苦惱。在戀愛自由。似可盡脫。殊不知此說亦徒屬理想而已。使一旦見諸事實。則必有種種不可思議之謬戾發見。或者數百年。



數千年之後。宜於行之。若在今日。決不能行。且在吾國。尤不宜行。總之。戀愛自由。在理想上。似爲高尙。且屬幸福。在事實上。雖不爲極不堪之舉。其結果亦必不佳。在彼邦人士。已嘗有兩大問題。不得解決。其（一）卽既無夫婦之名義。則所生子女。屬於誰氏。而由誰氏。擔負其養育之責。此不能解決之一問題也。其（二）今日人類道德。猶未甚發達。妬忌之一念。無男無女。皆存之胸中。而不能消。一旦許其戀愛自由。而打破婚姻之界限。則因妬忌而起之爭端。將無法以消彌之。誠不如。有婚姻以爲之防範也。此則不能解決之第二問題也。以上二問題。在彼邦賢哲。且不能解決之。故戀愛自由之制。在彼邦終不能實行。然則。其在吾國。更不能實行也。明矣。吾故特著此說。爲我青年戒。勿爲此說所惑焉。可也。

## 第九章 婚姻改良議



此章專就吾國婚姻而言。卽專就吾國不良之婚姻。而徐圖改良也。吾國婚姻之根本不良。卽由父母之命。媒妁之言。以爲定。而於男女之兩方面。無絲毫感情。此蓋數千年之習俗也。今日婚姻自由之說。行徧全國。此根本不良之點。似已改去。然而數千年之習積。一旦改除。雖曰大本已改。而枝枝節節。繁文瑣務。未必盡能改良。茲更就其當改而未改者。論之。其（一）曰。慎選擇。而除迷信。蓋吾國積習相沿。注重迷信。其在當日。男女婚姻。第一須問其生長時日。是否吉祥。或旣吉祥矣。而男女兩人。有否衝犯。旣無衝犯於本人矣。而又須推算有否衝犯於其家族。如此行之。至詳至慎。求籤問卜。算命排時。而其全權。乃悉付諸巫瞽之手。是雖曰父母之命。實非父母之命。乃神命耳。雖曰媒妁之言。實非媒妁之言。乃巫瞽之言耳。夫以男女生平第一重大之事。而付諸神之命。及巫瞽之言。其危險爲何如哉。今則自由婚姻之制。旣行。



則此陋俗當然隨之消滅矣。然而父母腦中被此種俗見蟠據甚深，不能一旦盡拔。往往當男女自由選擇而後，仍須推算其生辰之吉凶，又往往因推算不佳而從中作梗者。此時其子女亦無如之何也。此習不掃除盡淨，其爲婚姻自由之害不小。吾所謂未改而宜改者，此其一也。其二二節聘金而減妝奩，聘金與妝奩二事，乃舊時男女兩家所必爭者也。男之於女家也，則必望妝奩若何之豐美，曰如是始足以壯觀瞻，曰如是乃足以資倚賴。又必曰某家娶婦，妝奩如何之多，某家娶媳，妝奩如何之盛。吾縱不欲求勝於他人，亦豈能甘落他人之後而爲旁觀者所譏議？女之於男家，則必望聘禮若何之隆盛，曰非如是將貽門戶之羞也，曰非如是將爲兄嫂所冷齒也。又必曰某也于歸，聘禮如何之厚，某也出閣，聘禮如何之盛。吾縱不能遠過於他人，亦必欲儕於他人之列而博旁觀者之稱許。男也如是，女也亦如是，其在富



貴之家則踵事增華以求出於他人之上而金錢之靡費不計也其在貧苦之家則借貸成禮以求不爲他人所笑而金錢之靡費亦不計也至其結果則豪富者雖無損於己而徒開奢侈之風於世風不無小害其小康者則往往因嫁娶而貧其貧者則往往因嫁娶而愈貧矣其尤貧者則因嫁娶而負債或且男大而無力能娶女大而力不能嫁伊誰階之厲乎今雖盛行婚姻自由之制而聘金妝奩爭多較少此習依然未除吾謂禮儀固不可不講而虛靡實屬無謂故以節而盡禮爲主其他一概屏棄吾所謂宜改而未改者此其二也其三刪繁文而尙實禮夫禮不可少也而貴乎實孔子曰禮云禮云玉帛云乎哉朱子謂必敬而將之以玉帛則爲禮故苟亡其實而存其名則雖玉帛而不可謂之禮苟有其實又何必玉帛哉一自世風不古徒尙虛文全忘實際無事不然婚嫁之禮亦一端也其在當日男子之娶也女子



之嫁也。所有之繁文褥節罄竹難書。大抵皆導源於古禮。而又雜以各地之風俗人情而變化之。每經一次變化。則增多一番虛文。而減少一分實際。時至近代。幾乎名徒存而實全亡矣。實既亡而名彌講。繁之又繁。複之又複。中下之家亦往往爲此等繁文褥節所困。而致耽延其嫁娶之期者。今則既已通行婚姻自由之制。一切婚姻之禮節自以簡便樸實爲宜。或者效仿西法。或者西法不能盡仿。亦無妨略事變通。使與吾國之人情風俗不無相格之處。而又以真意出之。斯爲善矣。然今日猶有仍沿舊禮者。是吾竊竊以爲不可者也。吾所謂未改而宜改者。此其三也。其(四)當尙節儉而輓頹風。近世風俗日事繁華。無論何事均以奢侈相尙。一若非此。則有失其聲價者。然而經濟之能擔負與否。所不顧也。而以婚嫁爲尤甚。嫁娶之資。每耗其數年之所食用。夫費有用之錢。而耗之於無爲之地。且又適當國困民窮之時。此何



爲者哉。故今日行婚嫁禮。似以節儉爲表率。其在富者。須先不以富驕人。則貧者自不至勉強之矣。其在貧者。須無好虛榮之心。則在富人之行之而我亦無所動於中矣。其在旁觀之賓客。亦宜共明此禮。而知體諒主人節儉之心。而不以吝嗇相誚。如是則主人亦樂於節儉矣。富者既能不驕。貧者又能不羨賓客。更能體諒。則庶乎節儉之風。可以提倡。因婚嫁而推及其他事。輒回頽風。實亦改良社會之一端也。豈僅僅於改良婚嫁之禮而已哉。吾所謂未改而宜改者。此其四也。以上四者。理似平庸。苟能試而行之。則獲益良非淺鮮。不可以其平庸而忽之也。

## 第十章 擇偶不自由之害

婚姻不自由之害。乃專指舊式之婚制而言。夫人今既認定婚姻須自由矣。則婚姻不自由之害。似不必再贅。但今之老輩爲人父母者。猶往往未嘗深



明其害而今之青年亦往往徒知其害而不能深知其致害之由則往往行新式婚姻而亦與行舊式婚姻得同等之害者何也徒知不自由之害而不知其所以爲害之由也吾故不嫌繁瑣反復言之夫舊式婚制吾人所目爲不自由者以其婚姻大事而其權皆付諸父母之命媒妁之言而已夫爲人之父母者其於子也孰不欲其得佳婦而終身享受幸福其於女也又孰不欲其得佳壻而終身有所倚賴父母豈有仇於子女而故欲剝奪其幸福哉且世之愛其子女者莫如父母當其爲子女擇偶之時亦嘗幾費經營必欲求得最佳之媳及壻而後已但普通之人識見淺陋其腦筋中之所謂幸福不過富與貴而已矣其（一）在嫁女者見某家家產饒富門第顯赫則曰吾女得爲彼家婦衣食不憂其不鮮美矣膏粱文繡侍婢滿前以言幸福無有過於此者彼心目中只知富貴之可慕而壻之賢否不計也而壻之智愚不



計也。而壻之。是否殘廢。有無疾病。亦不計也。且曰。吾爲女擇壻。如此。吾已可。以對吾女矣。縱使壻不賢不智。或者殘廢而疾病。而衣給食足。終身無凍餒之虞。亦未始非不幸中之幸。殊不知富不可恃也。貴亦不可恃也。子弟藉父兄之富貴。以蔭其身。則必飽食終日。無所事事。博弈飲酒。無所不爲。而一旦失其所蔭。或則因坐食而山空。或則因揮霍而破產。至此謀生乏術。只得坐以待斃而已。是則爲父母者。其始本愛其女。而不知適以害其女也。其二。在娶媳者。見某家家產饒富。門第顯赫。則喜曰。吾子得娶彼女。則妝奩之厚。可以供吾子一生之享用矣。吾子而得丈人之提拔。不難立登青雲矣。前程遠大。希冀何窮。以言幸福。無有過於此者。彼心中。只知富貴之可羨。而媳之賢否。不計也。而媳之智愚。不計也。而媳之醜美。及有無疾病。亦不計也。且曰。吾爲子娶媳。如此。吾已可以對吾子矣。縱使媳不賢不智。不美而有疾病。然



而利其妝。匿恃其提拔。其得亦可以補失。亦未始非不幸中之幸。殊不知富不可慕也。貴不可慕也。妝匿縱豐其數。有限提拔雖善。而不能久恃。且啓他人輕視之心。此時爲之媳者。則必以其富貴而驕視其夫家。不特輕丈夫。抑且慢舅姑。爲之夫者。至此則勸之不喻。戒之不聽。家庭之間。時聞詬誶之聲。家政因之而不理。職務因之而弛廢。經濟因之而困難。而爲婦者。尤復奢侈無度。不改故態。雖有妝奩。何能濟其無窮之揮霍。至若夫因丈人之提拔。而得優美之官。缺若其所入之款。亦必先爲其妻享用。而後已。是則其夫適爲婦之傀儡而已矣。何樂之有。況夫提拔之不可久恃耶。一旦冰山旣倒。倚賴無從。仍必至於困頓無依。而後已。是則爲父母者。其始本愛其子。而不知適以害其子也。夫以上二者。在爲父母者。本非不爲其子女謀幸福。不過其見識太淺。求福而適以得禍耳。又有一種。則父母之羨慕富貴。並不爲子女。乃



爲其自身計耳。其（一）結顯貴之親家而已。身卽得攀附而躋顯貴。是以兒女爲酬應品。爲投贈品。爲交換品也。則兒女之婚姻。天然無良好之結果。蓋父母選擇之外。其居心先不正矣。（二）嫁女者。藉壻家之聘金爲養老之資也。（三）娶媳者。欲藉媳婦之妝奩助成婚之費也。此二者。一則視女如買品。一則視媳如施惠之人。二者根本先差。其婚姻亦無良好之結果。吾不得不責其父母。只爲己之一身計。而剝奪其子女自由之權矣。更有一種亦明知爲子女之擇偶。不可不慎。然蹉跎良久。光陰虛逝。或則己身已老。或則兒女已長。只固執於男大當婚。女大當嫁之說。以爲不及時爲之。卽爲己之對於子女不能盡其爲父母之責。必欲及己身尙在爲之。此一願於是草草從事。一切均不暇細求。或者則固執己見。無論選壻選媳。只以一己之眼光心思爲衡。以爲吾旣以爲佳。不容子之以爲不佳。吾以爲善。不容女之以爲不。



善勉強而行之逼迫而成之此其心雖無所冀然而固執已見而不問子女之同意與否是亦不啻以強權侵奪子女之自由也在父母亦未始不曰吾年老矣所見多矣閱人處世必較汝輩少年爲深吾以爲是者是吾以爲非者非汝輩他日自能知之若任汝輩少年自由行之反至於是非顛倒禍害隨之而至於不可收拾夫爲此言者未嘗非愛其子女之深但可對於幼稚無知之子女用之耳豈能通用之於自有知識之子女哉且必其父母之閱歷果深知識果高始可用之乃若父母之閱歷反淺於子女父母之知識亦不及子女之高而亦欲強用之則爲之子女者乃不勝其苦矣茲更述媒妁之言其爲害亦可得而論焉

夫以男女終身大事而付託於一不相涉之人其爲害之大自不待言而可知然而古者婚姻全憑媒妁豈輕視婚姻乎抑重視媒妁耳蓋古者人心質



樸。重信義而恥欺詐。故以冰人自任者。亦必斟酌再三。思其男女果能相偶與否。然而始以撮合自居。則所行雖不能盡如男女之意。然在媒妁。則必問心而無愧。如是者。故其父母亦重乎媒妁。舉凡媒妁之一言一語。無不信任。而吾民族又重虛文。以父母而爲其子女求偶者。若不雅觀。而必欲假借媒妁爲之紹介。於是媒妁之權。乃莫大矣。然在古時。媒妁之權雖大。媒妁之害尤不如後日之甚也。降及後世。人心頹喪。惟利是趨。見夫爲媒妁者。之可獲酬報之資也。於是不問其相當與否。但能使之成婚。則吾所例得之酬資可得矣。尤甚者。先受一方面之賄賂。明知非偶。而必欲強致之。以謀計之能達。而可獲意外之財也。於是乃見利忘義。全不顧其信用。以巧語相欺詐者。有之。以詭計相誘陷者。有之。種種機心變化。不可測度。於是爲媒妁者。乃大獲利。於是媒妁乃成爲專門之業。而倚此爲生者。比比矣。凡爲父母者。苟一不



慎而誤信其言。誤中其計。則豈特貽子女終身之害。亦且貽自身以無窮之戚也。以上所述。乃媒妁之害。總之父母之命。與媒妁之言。均足爲婚姻自由之害。余故詳細言之。以告世之爲父母者。

## 第十一章 早婚之害

婚姻一事。固人人所不能少之舉。無男無女。其例一也。然行之過早。則弊害叢生。其影響乃自個人而及於國家。發端雖微。爲害極烈。是不可不察也。歐美各國結婚之期。大抵男子在二十四五左右。女子在二十左右。其不及此年齡者。不得隨意提早行之。世界各國除印度不計而外。結婚時期之早。當推我國。我國舊俗。男女各在十六歲至十八歲。爲普通結婚之時。過此以往。卽爲過期。間或不及此期者。亦有之。數千年來。積習難反。今在通都大邑。人知早婚之害。而力矯其弊者。頗不乏人。而在鄉僻之地。猶往往循舊俗也。今



不嫌辭費。更詳述早婚之害。備未改。此積習者。知所改革。已改。此積習。亦可藉爲談資。而轉以勸導他人也。吾欲言早婚之害。試先述舊俗早之由。(一)由於婚姻之不自由。婚姻之事。全操之於父母之手。久而久之。爲父母者。且視爲子擇婦。爲女擇壻。乃父母應盡之責任。苟非代辦此事。卽爲父母不盡其應盡之責。而無以對子女。故往往急欲了此一願。然後爲快。然往往父母年已老。而子女年尙幼。父母自顧餘生無幾日。不得不趁此一息尙存。以完此莫大之責。則庶幾爲父母之道。盡於其結婚以後之種種困難。種種敝害。所不計也。(二)由於父母望嗣之心太重。蓋中國舊俗。恒以人丁衆多爲福。而以人丁單弱爲憂。故十五而抱子。三十而抱孫者。他人多稱爲有福。其人亦自引爲得意。且又以目見四代或五代爲榮。人人存此求福求榮之願。於是不得不提早其子婚姻之時期。而父母之於子。望之尤切。故往往未至弱



冠已抱兒矣。(二)由于女子不能自立。舊俗女子完全不能自立。必須倚賴他人。以爲生幼時。則依父母。長則依其夫壻。爲父母者。或財力不及。或疾病纏身。不能爲女子所倚賴。于是乃急欲使之倚賴其第二人。此人爲誰。卽其夫是也。女之父母。旣以嫁女出門。以輕已之擔負。而夫家亦往往欲得女以佐理家務。于是亦樂受之。相沿旣久。遂成一種早婚之習慣。(四)父母防範之心。太嚴。爲父母者。旣不許子女自由。又嘗竊恐其有不端之舉。以爲門戶之羞。于是方及其情竇初開之際。乃急爲完姻。以爲自此後可以無意外之虞。其防患之心。固爲思深慮遠。特早婚之害。則未之知耳。此以上述四者。第一第四兩項。男女之父母共之。第二項則專屬於男之父母。第三項則專屬於女之父母。總之造成中國早婚之陋俗。而爲子女留莫大之禍患者。均不外此四大原因也。吾述其原因旣畢。更述早婚之害。此雖有男女兩方面。



之不同。今但言男子可也。其害有六：（一）有礙于修學也。歐美男子尋常畢業于大學者，其年歲平均在二十以上。中國今日青年，尤以修學爲務。其在二十以內，亦均爲求學之時期。如不能求學而須於社會上謀職業者，其當注意于職業，則比學問爲尤甚（爲其初次入辦事之場故也）。此時斷不可使家務之繁、妻孥之樂，以分其向學之心。舊俗男子十六七歲，卽已結褵，則朝朝夕夕，纏綿歌泣于枕席之間，蹉跎歲月，日復一日，光陰迅速，人已老大，而學猶無成。當其在少年時代，往往蔭庇于父兄之下，而不覺其苦。一旦失其所蔭，獨立難支。富者則坐食而已，貧者則行乞而已。此時始悔少年失學已無及矣。夫失學之故不一，而早婚實爲其一大原因。此早婚之害一也。（二）有害于衛生也。青年男子血氣未定，一旦早婚，往往貪戀床第之樂，而自耗其有用之精神，且自戕其有用之身體。一日如是，日日如是，不知不覺



之間強者而變爲弱矣。智者而變爲愚矣。完全者而變爲殘廢矣。或且疾病夭折焉。吾國人非不知好色之足以殺身故。父兄之對于子弟。每諄諄勸戒。夫不能祛早婚之敝。則勸戒何益哉。此早婚之害二也。(三)有妨于職業也。此害與修學略同。卽因家務之繁。妻孥之樂。而紛其心是也。或曰。職業者終身之事也。君謂結婚有害于職業。其必終身不娶也。而後可。豈特早婚之能爲害哉。是自不然。人至三十左右。則閱世漸深。歷事漸多。一方對于職業。已爲熟手。一方對于婚姻。亦不至終日戀戀于閨房之樂。故娶妻無妨也。若夫年在二十以下。或二十左右者。則反是。閱世未深。歷事未多。對于職業。雖自競之。猶恐有隕越之虞。對於婚姻。多戀戀於閨房之樂。而不顧其他。此吾所謂有害職業。惟早婚爲尤甚也。此早婚之害三也。(四)有累於謀生也。夫人必先使經濟有餘。而後能有遠大之計劃。高尚之思想。廉潔之品行。使不幸



而爲經濟以困則謀衣謀食之不暇所謂遠大之計畫高尚之思想廉潔之品格必將消滅於不知不覺之中然以普通而論青年男子獨立而謀生者其在社會上必不能占優勝地位而得優厚之進款非其才不能也乃閱歷不及也資格不及也此則無論中西同一理也此時之進款既不豐自顧一身已爲勉強而又望其能顧妻子乎而爲父母者不計及此茫茫然以此重任付與其子之肩上其能擔負與否所不計也嘗見舊時商人有學徒之期未畢而卽娶妻者矣或甫畢學徒之期月薪不過數元十餘元而卽娶妻者矣既娶妻卽生子既生子卽有供給妻及子之義務而反顧進款曾不能及十分之一二於是墮其品行作弊取財者有之矣爲經濟所困終歲不得一日歡者有之矣此早婚之害四也（五）有危及子孫也結婚過早男女發育均未十分完全所生子女必孱弱而多病此凡治生理學者所能知也且本



身。方。在。少。年。無。知。之。時。代。其。對。於。女。子。之。教。育。又。必。不。能。完。善。如。是。代。弱。一。代。代。愚。一。代。無。所。底。止。此。早。婚。之。害。五。也。（六）有。弱。於。國。家。也。以。上。五。者。之。害。雖。屬。關。於。個。人。無。預。於。一。國。然。一。人。如。是。一。國。之。人。皆。如。是。則。其。國。尚。能。自。立。於。世。界。乎。此。早。婚。之。害。六。也。六。者。有。一。於。此。已。足。以。害。一。人。而。亡。一。國。而。況。乎。其。備。者。大。害。乎。以。上。所。言。專。屬。男。子。一。方。面。著。筆。然。女。子。早。婚。之。害。其。所。受。惡。果。亦。正。與。男。子。相。同。不。必。再。論。況。男。女。結。婚。時。年。齡。必。求。大。抵。相。同。男。子。不。早。娶。女。子。自。無。早。嫁。之。事。故。吾。亦。不。復。贅。言。矣。

## 第十一章 多婚之害

婚。姻。之。害。爲。吾。國。所。獨。有。者。早。婚。而。外。厥。爲。多。婚。考。多。婚。之。制。源。流。甚。遠。古。者。士。大。夫。猶。不。以。多。婚。爲。非。禮。其。原。因。蓋。起。於。重。男。而。輕。女。視。女。子。爲。男。子。之。附。屬。品。玩。好。品。故。往。往。一。夫。而。娶。數。婦。社。會。相。習。不。以。爲。怪。沿。至。後。代。世。



風日靡人之耽好宴樂也愈日甚達官貴人富商大賈莫不粉白黛綠者蓄養滿室卽在貧素之家亦往往因嗣續缺乏爭相納妾以爲延嗣之計則其妻亦莫得而非之妻妾相安於無事則人爭稱其妻賢妻妾不能相安則人反或責其妻之不能容妾社會習慣相沿成風其實際背於公理背於人道無人言也無人問也蓋在爲女子者往往既無學問又乏能力處處以倚賴男子而謀生活故亦相安無事視一夫多妻爲男子分內之事在爲男子者又雖或明知其不合於公理不合於人道然以其有便於己也故亦默爾不言此舊時多婚之俗之大略也今者歐風美雨一旦東來自由婚姻之制及一夫一妻之俗亦隨此潮流而灌入於吾國國人之知其理而明其事者不乏人矣然舉目四顧一夫而多妻者尙不絕於國中也豈數千年之積習太深不能一旦除耶抑吾國人雖明知其非而不願改此陋俗耶其在思想腐



敗之人而有此舉。尙不足怪。蓋彼曾爲數千年積習所染。而不能一旦洗滌。猶可諒也。若夫號爲曾受新教育之少年。亦往往陷此覆轍。此真可怪也。然吾竊思之。彼之不能脫。除此陋俗者。非有他故。亦未深明其害耳。但一旦深知其害。則雖勸之而不肯爲。況禁之乎。計其害有八。(一)有背乎人理。天生男女。自是平等。豈有所偏重。古者重男輕女。仍不脫一種太古野蠻之俗。今吾人既日進而文明。豈尙甘與太古野人爲伍。設使吾人而仍如是。是吾人卽以野蠻自待也。人雖至愚。設他人而詈吾爲野蠻。吾未嘗不勃然而怒。然他人詈之。則知怒。又何以自居之。而不疑耶。總之多婚之制。已爲今日文明各國所不齒。吾仍行之。是卽招他人之輕視也。換言之。卽自損其人格也。孟子曰。人必自侮也。而後人侮之。吾既自損吾人格。又何怪他人之輕視耶。此多婚之害一也。(二)有礙於家庭之和樂也。夫人既有家庭而已。爲一家之



主又誰不望其家庭和睦而已。亦得亨其無窮之幸福哉。試觀今日之多婚者。爲何如矣。妻之意不同於妾之意也。此妾之意。又不同於他妾之意也。夫聚不同意之人。居於一室。其猜疑嫌忌。言不勝言。又况爭寵奪愛。其難於相容。更比他人爲尤甚乎。又况乎多疑善妬。爲婦人之特性乎。以是有妾之家。十有八九。擾攘不安。而爲之夫者。周旋調停於其間。乃不勝其艱苦矣。蓋厚於妻。則妾怨。厚於妾。則妻怨。而厚於此。妾則彼。妾又怨。久之終必以一身爲衆怨之所聚。而後已。此時既不勝其苦矣。而不知更有甚者。則其結局。妻則往往鬱憤而致死。其妾又往往不得已而遣去。或且乘機而奔私。或且縱情外遇。或且挾資以逃。試思人至此時。回首當年事。其灰心喪氣。爲何如哉。此時人財兩失。悔無及矣。此非我過激之言。通都大邑。演出此等怪劇者。一歲不知凡幾。此多婚之害二也。三。有害於修學也。有妻子之累。則必能妨礙。



其修學之功。然一夫一妻。乃人生所不可少。而猶必嚴戒早婚。以杜此害。前章已詳言之矣。若夫妻愈多。則子女愈多。而其爲累也愈甚。而其紛吾修學之心也愈烈。終必至日就愚魯。昏昏以終其身而後已也。此一害。乃爲曾知有學問者言之。其不知學問爲何物者。不足語此也。此多婚之害三也。四有害於職業也。此害亦與前章所述早婚之害相同。卽因多妻之故。不能盡心於職業。終至失業。無歸落拓。終身而後已。此多妻之害四也。五有害於謀生也。此亦與前章所述早婚之害相同。而多妻之害爲尤甚。蓋一人之力。斷不能供給多人。妻妾愈多。則子女愈多。子女愈多。則供養之費愈繁。又況妻妾往往不能同居。於是而分居數處。別立門戶。多用僕役。是以一人之能力。而欲擔任數家庭之擔負。譬如一妻之人。連子女僕役。計一家平均。不過四人。一妻一子一女一僕。若有兩妻者。則爲八人。三妻者。則



爲十二人四妻者則爲十六人是以每加一妻卽遞加四人一妻之人須一分家用者多妻之人則須二分三分或四分焉如是則其力安得不瘁而其財安得不窮將見富者日益貧貧者乃至於不能自存矣吾人試一思及此安得不爲之寒心哉此多妻之害五也（六）有害於衛生也多妻之人其目的大約在於縱欲妄自斲喪其精神只顧一時之樂而不計及他日之苦年輕力富之時尙不自覺一入中年以後必至百病叢生行止且不能自由或則因而夭其天年者亦比比皆是也夫人之生於世界也孰不欲長壽誰不欲康強而無病哉今乃自行斲喪其身軀使之殘廢而夭殂不亦大可哀乎嗟夫人何獨愚而出於此此多婚之害六也（七）有害於子孫也父母不強健者則子孫亦必孱弱子孫先天孱弱則子孫之子孫又更孱弱此自然之理也家庭不和穆者則子孫必不得受良好之家庭教育子孫旣不得受好



教育則子孫之子孫乃更不如焉。此又自然之理也。今試問多妻者其身軀能强健乎？其家庭能和穆乎？必不能也。是故多妻者可決其無好子孫也。而子孫之子孫又必一代不及一代也。此多婚之害七也。（八）有害於國家也。此害亦與早之害相同。卽謂積多數之多妻人而爲國。則其國乃不成國矣。縱使不遇外侮亦難自立於世界之上。此多妻之害八也。以上所述八害不。過約略言之。使欲盡言誠非千萬語之所能盡。然卽此觀之多妻之害概可見矣。人縱不爲人道計不爲子孫計不爲國計獨不爲一身計乎？試爲一身計多妻亦有何樂終不過以片刻之快樂易無窮之痛苦而後已。片刻之樂與無窮之苦孰得就失不待智者而可決然。今人多昧於此者何也？亦未深明此大害。吾故反覆言之。讀吾書其亦可以自悟矣。吾書爲男女謀自由幸福而作。非如坊間雜書之徒事誨淫。閱者於此不得以爲著者過甚之辭。須知不從吾言或更有過於吾書所述也。讀吾書者宜三思之。



家庭  
寶鑑

# 婚姻指南第二編

李定夷著

## 男女心理研究法

### 第一章 概論

墨隱生曰。心理兩字。蓋無男。無女。無老。無幼。無智。無愚。無賢。無不肖。而皆有者也。然而人各有心。心各有理。理由心而發生。心憑理而運用。是故理得乎心之正。則心可爲理之主。宰心趨乎理之偏。則理轉足爲心之蠹賊。此中之意義與界限。實屬微乎其微。其間不能容髮。斷非數語所可解析。而剖別之也。極世界萬有不齊之人。卽具萬有不齊之心。與夫萬有不齊之理。然其最初之心。與最後之心。亦有時乎判然不同。尤有甚者。一晷刻之間。其心竟忽



焉。萬變此其故。匪惟旁觀者莫能測其作用。卽彼當局者亦弗自知其何以如是。蓋有不期而然。卽或知之亦僅知其然而不知其所以然。無他。蓋或因時勢之變遷。或以世故之感觸。或受外界之激刺。遂隨時隨地隨在而變易其心理。夫所謂變遷也。感觸也。激刺也。皆理之一字。有以致之也。心爲身之主宰。而理又爲心之主宰。心本靜而理能淆之。不靜心本定而理能使之無定。故賅括而言。心與理雖二而實一。分晰而言。心與理雖一而爲二。凡此皆普通之概論也。若關於婚姻上男女之心理。則尤有進之者。今分述之如下。

## 第二章 心理之作用

男必婚。女必嫁。此其義無古今中外一也。夫男女至於已婚已嫁之後。凡有所言所事。儘可直接磋商。當面談判。惟聘而未婚。與字而未嫁之際。則無論或爲其父母主婚。或爲自由結婚者。凡關於婚姻上及其他種種關係。斷弗



能。逕。自。磋商。而。談判。之。勢。也。亦。理。也。無。已。惟。有。兩。方。互。相。揣。度。推。測。此。卽。心理。上。之。作用。也。夫。至。於。心理。上。作用。大。率。以。其。人。資格。程。度。之。高。下。定。理想。之。鈍。潔。與。低。微。而。已。約。略。言之。可。分。爲。數。種。類。別。著。者。雖。不。敢。自。謂。包。括。無。遺。然。卽。此。亦。可。覘。其。一斑。焉。試。申。論。之。

### (甲) 富貴人家之子女

此。類。人。之。心理。全。從。樂觀。上。着。想。毫。無。絲。毫。後。慮。者。也。然。其中。又。有。兩。種。派。別。

(一) 奉。父。母。之。命。訂。婚。者。兩。家。門。楣。相。稱。自。無。待。言。在。稍。有。識。見。之。男子。其。一。團。凝。想。則。以。爲。吾。未。來。之。婦。究。不。知。其。性。情。是。否。賢。淑。他。日。歸。吾。後。能。否。事。奉。翁。姑。主持。家政。使。吾。無。內。顧。之。憂。凡。此。數。種。理想。固。爲。必。有。之。事。若。夫。無。見。識。之。男子。其。心理。則。大。異。是。彼。不。論。聘。婦。之。性。情。若。何。但。鰓。鰓。然。刺。



探其面貌是否皙白妍麗。雖媒妁告我謂彼爲天上安琪兒。然究係耳聞終未目覩。乃千方百計必欲一見其顏色。始釋疑團而快心意。於是每屆暇時輒潛詣女家門外徘徊瞻顧。以待彼女之出。設見女之姊妹行。或其戚串家婦女。彼之心理上卽生種種揣度。自忖曰。是或卽吾婦耶。設想至此。凡爲己所見者之聲容態度。悉印入己之腦筋中矣。甚或歸齋冥想。幻成夢寐。比比皆是。至女子對於男子之理想。亦殊類是。然不同之點。則在我將來于歸夫家後。被羅衣穀呼奴使婢。凡一生喫着固無庸爲遠大之慮。憂所不能釋。然者未嫁時則慮所天意中別有所眷。旣嫁後則又慮其夫未能體貼己意。或至納妾。此心理上第一着之涉想也。卽此第一着涉想。吾敢斷定世界上女子之心理。絕對不能越吾所述範圍之外者矣。

二 自由訂婚者 此輩不但相識旣稔。亦且相知有素。其訂定婚約也。純



粹感情上結合似非上述之情事可以擬其心理上之作用而不知自由結婚男女之心理則較父母主婚者更進一步也夫既曰自由婚姻則男女平時必醉心於文明兩字自無疑義然文明兩字善用之固足以祛惡社會之習慣與陋俗不善用之適轉足以增其人之畢生大污點質言之在得其正與不得其正二者之判別而已是故欲覘用之得其正與否要仍以男女資格程度高下爲斷欲覘男女資格程度之高下亦仍以其心理上之作用爲斷此無可變易者也今試假定有男女各一於此由互相愛慕而愜洽由互相愜洽而訂定婚約是不可謂非得乎婚姻之正也如其未至婚期迫不及待而彼貪此愛遂有不規則之行爲此之謂以肉慾爲愛其原因皆由心理上誤解自由所致今茲男女大率皆犯是弊必也男之心理上視己過高女之心理上自待不薄始可免此不然者殆矣是不可不研究者也



(乙) 貧苦人家之子女

此類人心理上之作用。絕對的與富貴子女大相懸殊。亦可分爲二派。

(一) 奉父母之命訂婚者。男子之心理着想。以爲吾未來之婦。他日于歸。我家吃着兩端。悉取給於我。我將由是增益一重負擔。又不知彼他日入主中饋。果能支持家計。并白躬操與否。凡此類觀念。悉爲心理上所必有。至若女子之心。亦與之相同。以爲吾未婚夫。素非饒於資者。吾下嫁彼後。未卜其竿頭所進。能否贍給身家。弗虞凍餒。苟平時見族戚中姊妹。行適豪華之子。或小康之家。彼又愧忤心。與希望心交起。愧忤者。自恨己之不若人。希望者。惟冀己之夫。婿異時或有發達之日。此又心理上作用。派別之一也。

(二) 自由訂婚者。往往雙方不敢舉以告人。何則。恐爲其堂上及族戚所責。讓大抵貧賤人家。父母之意旨。與希望每高。視其子女。以爲吾有寧馨兒。



宜聘名門之女爲室。吾有安琪兒。宜適富家之子。爲婦。俾他日庶可得其金錢與勢力上之輔助。此類理想。雖賢者亦在所難免。況下此者乎。一至其子女與門第相等者。自由訂婚。彼父母匪惟斷絕上述之希望。亦且深貽門楣之差。各責其子女。子女懼爲父母所呵斥。於是關於茲事。絕對的緘口不言。坐是之故。始則其心理上各各嚴守祕密。彼父母茫無所知。或爲子與他姓議婚。或爲女逕強自擇配。而此一雙男女。竟難如願以償。於是演成私奔怪劇者。有之。釀成生命危險者。亦有之。推究其故。皆因有嚴守祕密之心理。而致成此惡結果。是又一種派別與作用也。

(丙)富家女與貧家子結婚者

在淺見者。謂其絕對的決無此事。然亦有其初兩方門楣相埒。及訂婚之後。而乾宅漸就式微。且馴至貧困者。又或有女子與男子因愛慕之故。及有他



種關係其父母不得不以女妻彼者據前一說在稍有識見及賢淑之女其心理上對於未婚夫則有憐惜之觀念他日于歸後衣食之資取求之費果何所自出若存在責令其供給問心殊有所不忍假而日取父母之盈而資津貼焉匪惟堂上所不肯承諾抑亦爲己所未便啓齒凡此類種種感觸日縈繞於逕寸心頭而無時或輟是又必然之事也若夫無意識之女子處茲地步既自傷薄命又怨尤及人深怪其父母爲己議婚之時何以無遠見卓識而不能預卜婿家之榮枯今若此己將爲窶人婦來日光陰如何敷度於是據三種理由與決心堅持列底

(一)要求父母向婿家悔婚 此理想之最卑污最低下者也且爲事實上所辦不到然無意識之女子往往有此心理

(二)終身持不嫁主義 以爲婿家既若是清貧無論彼無力以娶我也卽



使勉強能娶。然家無長物。四壁蕭然。啼飢號寒。勢所難免。安能於蓬門風雪中而學畫眉之張京兆哉。預爲之計。莫如長依父母。以終之爲愈。

(三)要求分潤父母之財產。或月給津貼若干而始允下嫁。婿家此類女子。幾於普通社會上什居八九。顧父母以愛其女。故而俯從所請者。亦比比皆是。彼窮措大男子。一旦獲此美而多金之婦。未嘗不自幸己之一生依賴。喫着不盡。而婦人對於所天。往往挾其金錢勢力。恣睢傲慢。甚或芻狗翁姑。奴隸夫婿。無所不至。彼之心理上。以爲壻之全家。苟非我衣之食之者。幾何不流爲餓殍。而翁姑夫婿。以存在仰新婦鼻息。勢不得不委曲以忍受。究之有出無入。雖金穴銅山。終必有取竭之一日。迨至囊空金盡。壻家必懇商新婦。歸甯再向其父母稱貸。初則尙有需必應。及誅求無厭。彼爲父母者。烏能供其無底之慾。壻勢將斬其所予。新婦無以應。壻家之需。則壻家對於彼之



感情漸趨險惡。測其結果。既無以見好於壻家。又復負累其父母。撫躬自問。亦殊不值矣。此皆心理上作用之誤。階之厲也。據後一說。則男女既不論貧富而純粹由愛慕而結婚。如吾上述之語。弊決不致再蹈此種惡習。所患者其心理上。始則因愛其人而不惜委身相事。及結褵後。不耐消受此貧賤寒酸之况味。於是並其人而亦憎惡之。况自由性質本係天成。彼疇昔既能以全副愛情專注於所天者。則今日又何不可以移其愛而專注他人乎。吾見有夫婦感情非常沈澁。而中途忽改節者。不一而足。推究其故。悉因苦貧之一念。而有以致此。何者。蓋心理上度事不明。料事不遠之故耳。所願我女同胞。不可不於此加意一研究之也。

(丁) 富家子而與貧家女結婚者

在有意識之男子。其心理上。謂吾未來之婦家計單寒。或爲其父設法謀一



枝。棲。之。寄。俾。資。經。濟。上。之。活。動。卽。至。踐。婚。後。苟。其。父。有。不。時。之。需。亦。當。量。力。依。助。以。免。全。家。啼。飢。號。寒。之。痛。苦。設。男。而。爲。勢。利。之。徒。當。結。婚。之。前。對。於。其。婦。生。種。種。之。觀。念。以。爲。彼。生。長。華。門。圭。竇。中。眼。光。如。豆。除。布。帛。菽。粟。外。則。一。物。不。知。將。來。適。吾。家。脫。見。富。貴。豪。華。狀。勢。必。手。足。無。措。而。一。種。小。家。習。氣。幾。令。人。作。三。人。噁。又。恐。爲。戚。友。所。訕。笑。於。是。菲。視。其。婦。之。心。因。之。起。矣。在。女。子。心。理。上。則。謂。以。我。寒。素。獲。與。當。家。兒。爲。偶。自。分。已。得。如。天。之。福。迨。合。卺。後。夫。壻。苟。與。我。感。情。愜。洽。我。將。要。求。月。給。我。父。母。津。貼。俾。有。所。補。助。設。所。天。慳。吝。不。拔。一。毛。我。卽。改。變。方。針。覷。便。竊。取。夫。家。之。金。錢。潛。與。之。夫。當。時。計。劃。未。嘗。不。私。幸。其。謀。之。善。萬。一。實。行。果。爲。壻。家。所。知。則。不。但。使。兩。家。親。誼。上。由。此。斷。絕。往。還。而。且。他。日。夫。婦。感。情。上。必。生。無。數。之。障。礙。設。夫。壻。竟。以。茲。事。暴。之。人。貽。族。戚。以。口。實。彼。爲。婦。者。將。終。身。無。出。人。頭。地。之。日。此。又。可。斷。言。者。也。吾。見。



有貧寒閨女于歸富戶而其夫其姑嫜其妯娌對於新婦在在如防盜賊何者皆此竊金貽母家之一念誤之也吾願吾女同胞萬勿蹈此種覆轍焉茲故申論及之

### 第三章 心理之異同及辨別

語云人心不同如其面旨哉斯言乎是說也蓋指人之涉身處世須預防對待我者之行使其欺詐矯僞也至男女婚姻大事亦何獨不然夫涉身處世而受人欺詐矯僞則我受其害者不過一時設婚姻上偶有不慎將畢生蒙無窮之累安有寧日耶是故男女當結婚之際宜雙方默察其心理迨歷驗不爽始可與言終身大事不然於立談間而操切從事吾未見有能獲良好之結果也試分類臚舉之以爲我男女同胞告焉

(一) 貌爲誠篤者



此包括男女兩方面自由結婚而言之也。譬如有一男子於此貌俊美性溫婉而又富有金錢。里閨中願以其女儷彼者。自必實繁有徒。而此男子方且高自期許。苟非才色兼備之女。絕對弗屑爲偶。以擇配太苛。故甚至窮年累月而未遂。求凰之願。第此風遠播而一般覬覦其金錢之女子。得以施展其伎倆矣。此類女子大率姣好其面目柔媚。其語言專以香餌釣鰲爲特別之營業者也。矚男子每日所必至之地。彼預於其處靜俟之。迨男子至。彼卽用其勾魂攝魄手段與之。若卽若離。縱男子欲向其問訊。彼猶故故趨避。及相值。旣諭然後稍與接近。展問邦族。彼或僞言爲某校女生。或詭詞爲名門閨秀。而態度詞氣之間。極端誠摯。男子不知其掉弄玄虛。雖未便直接求婚。亦必倩人作伐而婚媾成矣。凡此無論其半途難保不生他變也。卽使克踐其約。彼女之心理上對於男子無所謂愛情。但知



以其金錢之多寡有無卜諧好之久暫修短而已此則男子不可不加之意也。又譬如有一女子於此姿首既佳志趣高尚欲得一如意郎君始肯委身而事而涎羨其顏色者迺百出其心思與手段以求達目的先以小忠小諒堅彼女之信使其墮入術中復徐徐焉微露乞婚意旨彼女以爲若而人者純粹鍾情種子我苟適彼爲婦可必其對於我之愛情始終不渝而豈知此身一經爲彼所有其初似尙寶貴久之則視等土苴棄同陌路矣何者彼蓋以色愛而不以情愛一至色衰而寵亦與之俱衰陰雨葑菲秋風團扇古今抱是絲絲之恨者正不知凡幾此皆不明男子重顏色不重感情之心理有以誤之也故吾謂男女婚姻大事與其悔之於後則毋寧慎之於先若見其外貌極誠篤而遂信其心理上之無他所謂皮相相人必貽後來之隱患矣。



（二）僞作守正者

世亦有男女由訂婚以迄少壯而後。雙方卒莫能測其中藏之底蘊。迨男子於外間另結新歡。或女於背地別有外遇。然後始歎吾夫也。向來持躬謹飭。何以先後如出兩人。吾婦也。夙昔不苟言笑。胡爲今茲忽然改節。以此際之所爲。證以昔日之言行。殊出人意料之外。而不知守正者。其外淫蕩者。其內不過表面上做得乾淨。彌縫無迹。而當局者爲彼朦蔽。不能默察其心理。觀之於微耳。曩吾聞友人告我。謂其弟娶一婦。豔如桃李。面若冰霜。不特對於夫家之伯叔兄弟。無失言失步之虞。卽與其夫床第之間。亦從不假以詞色。於是族戚中咸以鐵石人目之。會夫遠出。經商彼忽染沈疴。姑嫜及妯娌。每日必往視疾。一日凌晨。衆詣彼室。較早甫入門。遽聞男女狎昵聲。大疑。小姑疑其作嚙語也。急牽帷覘之。則見彼正與一男子。



並枕而臥。男子瞥見人至。駭而裸體。狂奔。男子爲誰。蓋卽家中役使之男。壯僕也。方追逐間。忽婢女趨告。謂婦已覓剪刀自戕矣。衆以其何不貞如是。詫爲怪事。而不知此婦殆淫蕩其心理。而守正其外表。特淺見者。無以窺其城府耳。茲事足可援引。以爲吾書之一證。此亦男女之研究心理者所宜特別注意焉。

(三) 故作慈祥者

此類人不但對於外。而存不正當之心理。卽與其摯愛之妻。摯愛之夫。亦弗能祛除此天然劣根性。然夫婦間苟有一於此。縱使險惡者。百計彌縫。終必有破敗決裂之一日。測其結果。未必有白首以老者。蓋抑險惡而矯揉慈祥。其慈祥至極度者。則其險惡亦將達於極度。設有所感觸導引。必蓄之久而發之。暴釀成最慘之怪劇。男女至於如此。直寇仇而已矣。尙何



夫。婦。之。足。云。哉。強。制。其。固。有。險。惡。而。媚。其。所。親。斯。人。豈。特。爲。人。類。之。公。敵。且。爲。夫。婦。之。蠱。賊。是。亦。選。擇。婚。姻。者。之。最。重。要。一。大。問。題。而。不。可。不。辨。別。也。至。辨。別。之。法。吾。當。詳。述。後。篇。以。發。明。之。

(四) 學。作。開。通。者。

近。今。男。女。社。會。上。往。往。有。之。或。男。子。欲。與。女。子。結。婚。自。慚。其。陋。劣。而。裝。出。一。副。鬼。面。孔。以。求。達。其。目。的。或。女。子。欲。與。男。子。結。婚。自。知。庸。俗。而。幻。成。一。種。怪。現。狀。是。蓋。妄。希。非。分。之。心。理。所。致。也。夫。既。有。是。心。理。於。是。婢。學。夫。人。刻。意。摩。肖。固。矣。庸。詎。知。越。裝。越。醜。不。足。當。有。識。者。之。一。粲。論。其。人。狀。態。則。固。可。恨。可。鄙。原。其。心。理。則。又。可。笑。可。憐。雖。然。亦。有。身。受。者。弗。能。猝。辨。而。竟。墮。入。術。中。貿。然。締。結。婚。姻。者。其。故。在。心。理。上。無。鑒。別。真。僞。之。卓。識。而。爲。僥。倖。嘗。試。之。徒。所。欺。朦。吾。逆。料。他。日。結。褵。後。不。轉。瞬。而。嘉。耦。翻。成。怨。耦。矣。



心理。上。無。知。人。之。明。關。於。一。生。之。幸。福。胥。受。其。莫。大。之。影。響。此。又。不。可。不。知。者。也。

#### 第四章 心理之比較

大。凡。人。之。行。事。其。邪。正。善。惡。厚。薄。正。當。與。不。正。當。之。別。悉。根。於。心。理。上。而。發。生。者。也。卽。關。乎。夫。婦。之。間。又。何。獨。不。然。故。吾。謂。男。女。欲。各。覘。其。心。理。之。邪。正。善。惡。厚。薄。及。正。當。與。否。當。先。於。其。平。日。一。舉。一。動。上。窺。之。所。謂。觀。人。於。微。者。是。也。若。然。比。較。心。理。之。法。不。可。不。研。究。者。矣。顧。亦。非。倉。猝。所。能。比。較。也。必。眼。光。與。智。識。並。用。始。可。今。略。舉。之。如。下。

##### (甲) 深沈與淺躁者

大。抵。深。沈。者。平。時。雖。對。於。親。愛。之。夫。婦。凡。一。言。一。行。令。人。莫。測。其。底。蘊。匪。惟。喜。怒。不。形。於。色。甚。至。心。有。所。喜。而。表。面。上。故。作。憂。鬱。之。狀。心。有。所。怒。而。



詞氣間。反現愉快之色。所謂反其術以用之。此其心理上。蓋別有作用也。至若淺躁者。不必於其行事而始知其爲人。但得一啓口。卽不啻見其肺肝。與深沈人。適成一絕大反比例。故男女訂婚之始。要當以我之心理。默察彼之心理。苟遇過於深沈。及過於淺躁之人。萬勿委以終身大事。何者。蓋以深沈至極度。則其殘忍。必至極度。淺躁至止境。則其妄誕。亦必造止境之故也。設有不得已苦衷。而必於二者之中。擇其一。吾謂毋寧棄深沈。而就淺躁。原淺躁之徒。心口如一。他日猶較易與。且苟增以閱歷。與經驗。尙可漸易其性質耳。

(乙)活潑與呆鈍者

此殆天然之賦性。而不容絲毫假借也。然心理活潑之男子。苟要心理呆鈍之女子。爲婦。則終其身。必鑿柄不入。設心理活潑之女子。適心理呆鈍。



之男子爲妻則一生之冰灰難投此勢所必至也充其量言之男子必憎其婦之呆鈍而別訂所歡女子必憎所天不活潑而有其他遇合各居夫婦之虛名而未獲夫婦之樂則婚姻之道苦矣必也於結婚之始男女心理上比較我與彼之賦性相稱始可如其不然吾未見有得良好之結果也

(丙)多情與薄情者

薄情者對於摯愛之夫婦未有用其情者也然其用情則可暫而不可久可短而不可長若鍾情者則不然平時於夫婦之間縱不免有勃谿詬誶之事發生顧境過情遷則又言歸於好而始終無或稍渝此兩種人非有絕大之眼光與識見窺之於微終莫能辨其鍾情與薄情之派別且薄情之人其初用情往往較真正鍾情者則尤深且摯稍一不慎將畢生必



蒙。無。量。之。隱。患。故。欲。覘。鍾。情。與。薄。情。之。分。其。中。祇。隔。一。間。蓋。微。乎。其。微。也。  
吾。謂。男。女。結。婚。之。始。不。可。以。其。一。時。用。情。之。厚。而。遂。必。其。到。底。無。他。亦。不。  
可。以。其。偶。爾。用。情。之。疎。而。卽。斷。其。賦。性。涼。薄。然。則。何。以。知。之。夫。亦。曰。比。較。  
之。於。記。前。隙。與。不。記。前。隙。之。間。而。已。

(丁) 果毅與暴烈者

此兩種人之心理。實似是而非。苟不能認得真。辨得清。未有不舛誤者。蓋  
果毅者。對於所言所事。必抱定宗旨。而不爲外物所阻撓。雖至死亦不肯  
變易其初衷。至暴烈者。無所謂是非與曲直也。但憑其喜怒。以爲愛憎。取  
舍之標準。故男女當結婚之始。萬弗可誤。以果毅者爲暴烈。亦不可誤。以  
暴烈者爲果毅。是在心理上。執此兩類人性質比較之。或者其庶幾乎。

(戊) 穩健與庸懦者



穩健者其心理上有一定之主宰。無論對於何事皆以沈穩觀變四字應付之。自表面上觀察亦似碌碌而無有作為者。若夫庸懦人之舉動用皮相的觀之。似與穩健者無甚差別。男女當此際脫以穩健爲庸懦。已既乏觀人之識。脫以庸懦爲穩健。已又無知人之明。二者胥失之矣。此又不可不比較也。

(己) 節儉與慳吝者

此兩類人同是愛惜金錢。然其中有當愛惜與不當愛之別。當愛惜而愛惜。譬如無謂之用度。過分之奢侈。則在所樽節。時時留有餘以劑不足。此節省之謂也。不當愛惜而亦愛惜。譬如戚友家之應酬。主賓間之謙會。家居衣食之費用。舉在在所弗可短少者。彼亦靳而不予。此慳吝之謂也。顧節省與慳吝。驟由表面上觀之。似頗相類。脫不悉心辨別。終末由分其涇。



渭。故。男。女。議。婚。時。當。默。察。其。心。理。是。否。爲。節。儉。爲。慳。吝。蓋。節。儉。者。可。與。議。婚。而。慳。吝。者。則。不。可。也。

(庚) 機警與機械者

機警人之心理。遇事隨機對付。具有活潑敏捷之智識。機械者亦具有活潑敏捷之能力。特其陰鷙險狠之本性。時時蘊蓄於心。質言之。機警者有應變之才。機械者有害人之念。此二者遂判然各異矣。故男女欲得良好伉儷。當先互相靜觀其心理。是否爲機警。抑係爲機械。萬一不慎。則終其身受累無窮。蓋機械之人。雖對於夫婦之間。無在不用詭譎詐虞也。非比較又烏乎知之。

(辛) 精明與苛刻者

精明之人。遇事能當機立斷。而不受人之欺朦。苛刻者與人涼薄寡恩。在



在弗留餘地。卽對於家人婦子。亦不肯稍予寬容。夫使男子娶苛刻者。爲婦。其因必以過於苛刻。故致族戚斷絕。往返使女子而嫁苛刻者。爲妻。亦必因其壹意苛刻。故則伉儷頓生惡感。此又不可不慎之於始。而加意抉擇之也。

以上所述。不過舉其大概而言。然卽此於男女婚姻上有莫大之關係。故略誌之。

## 第五章 不可有之心理

大凡人之心理。有不可無者。亦有不可有者。不可有而有。則轉爲結婚前與結後之障礙。則毋寧以不有之爲愈。至不應有之心理。種類各別。吾試臚列於后。

### (甲) 求全之心理



人不可有自足心。人又不可有不足心。求全者卽不足之心之謂也。今試有一男子於此。已與某某女子既訂婚矣。有一女子於此。已與某某男子既訂其婚矣。在墨守禮法者。流在未結婚之夫婦。當然無會晤之必要。若夫今茲男女。疇不帶有幾分文明的意味。如其自由配合。愈不拘世俗。常態兩心相得。偕去偕來。亦恆有之事。所患者。雙方存一求全之心理耳。曷爲求全。男女當訂婚之後。其愛情臻達極度。自無疑義。然有時晤對彼男子。或女子。爲他事。而心中偶有不愉快者。則以爲對於己形迹疎忽。大抵世界男女心理。對於他人尙可曲爲原宥。獨至對於己所摯愛者。雖體恤無微不至。而身受者。轉覺於心。猶以爲未足。甚至責備不留餘地。此種心理。幾成普通流行病。在彼方且指天誓日。以自明心迹。無他。在此猶不之信。浸而久之。雙方漸生意見。何者。皆預挾一求全之心理。而有以致之也。



嘗見有因挾有求全之心致夫婦終身不能享受圓滿幸福者有之吾願一般男女亟宜戒除者焉。

(乙)誤會之心理

誤會兩字所包者廣卽以夫婦間言之其誤會之點由論婚之始以迄結婚之後與夫平時相處隨在皆易犯此弊今試舉其簡要數則爲我男女同胞正告且藉資研究焉。

(一)論婚之始 例如有男女於此性情既契合年貌及門第亦相當雙

方均有婚嫁之觀念然猶弗敢操切從事於是互相默察其人之行止舉動以決從違顧或有男子性質卞急亟欲達其目的而後快見女子周詳審慎未遽允諾轉怪其有意緩己更或疑彼情有別鍾嚴詞詰責此心理上有所誤會也更或有女子醉心男子欲於立談間如願以償而此男子



者欲覘女子之心是否專注於己自不得不寬以時日徐徐試驗女子不明彼心理上作用翻恨其藉結婚爲餌於己身作非分想實行始亂終棄主義由是意見生矣此又心理之誤會也

二二結婚之後 男女既踐婚約其愛情之固結自不待言然亦有愛情已達極端而誤會之心理往往因之而俱進夫誤會兩字萬萬不可開其端苟有一二事啓其漸則過此以往幾在在動輒得咎甚至一飲食之微一語言之間彼其實爲好意的料量與勸慰而此則反謂爲虛假之周施或男子與友人飲讌至深夜歸來女子指爲狎妓或置妾或女子至母家歸寧數日未返男子誣其別訂新歡彼則更番詰問此則辯白無有一言不合遂起勃谿兩不相讓馴至用武測其結果小之釀終身反目之虞大則演婚姻離異之劇設有人問其果因何事而致此雙方竟瞠目結舌不



能道一字無他皆誤會之一念階之厲也

(三)平時相處 大抵夫婦至中年以後雖極篤愛未有不因口角而致失和者蓋以相處既久其感情由熱度而漸降至冷度之故也然究其夫婦失和之原因除爲其他關係不計外餘則大半皆因心理上之誤會至誤會之點又較諸訂婚時及既婚後而尤至多且夥述之真不勝僂指略舉其大者重者厥有數端或因境遇豐嗇而生誤會者或因愛憎子女而有誤會者或因其夫購置姬妾而啓誤會者或因其婦治家無狀而起誤會者凡此種種尙在人情之中甚最難索解者則細故末節亦妄萌意見坐使垂老伉儷發生無量惡感自問亦殊不值此種心理萬不可有蓋無誤會之心理可以保夫婦情好可以使家室相安反是則皆敝矣男女同胞幸注意焉



(丙)過分之心理

過分兩字。其義意實廣。譬之本係寒素之家。而妄思食膏粱。衣文繡。本係中人之產。而妄思與巨富者相埒。本係素封之門第。而妄思與王侯相等。此皆過分之謂也。至於男女結婚。尤不可以無厭之求。償其過分之欲。今試有男女於此。論婚兩家門第及財產。不相殊懸。所有一切聘物也。衣飾也。當然稱家之有無。量力置備。如其爲過分之請求。無論苦人所難能。亦無以應命也。即使勉力供給。甚至爲娶一婦而耗其財產之泰半。試問女子將來于歸後。彼日用之資。衣食之費。又將何所取償乎。勢必舉從前置備之聘物及衣飾。陸續典鬻。之以爲用。浸假女子對於服御上。在在務求踵事增華。強要其夫應己所需。在新婚夫婦感情綦篤時。爲之夫者。從事剝肉補瘡。藉博其婦歡心。亦所不恤。然事事應所需。設有一事缺其望。



則感情漸趨於惡矣。凡此係就女子一方面言之也。至於男子對於女子過分之心理則猶有辨。例如婦之貌本美而怪其不能頡頏南威西施婦之才本捷而責其不能媲美道韞婕妤婦本勤勞偏謂其懶惰婦本節省仍咎其揮霍則爲婦者若曰忍受之適足長男子尋瑕抵疵之心若曰辯論之又有傷所天深期遠望之意口雖不言心能毋怨乎積久感情上必生莫大之障礙是二者皆過分之心理有以誤之此誠不可有也。

(丁) 驕侈之心理

此種心理大凡富家子弟而娶小家女子爲婦或富家女子而適貧寒子弟爲妻者往往有之。吾嘗見浮華男子平昔對於其妻挾其金錢勢力以傲睨一切有時畀以華美衣飾必作冷語曰汝在母家幾曾覩此物否吾恐汝之父若母雖竭數年儉衣縮食之資亦弗能購置之也而爲之婦者



當此際表面上雖欣然承受而逕寸芳心中未嘗不憾所天之語逼人太甚。卽有意見存乎中矣。吾又見有富豪女子適貧賤人家時時存一矜貴之心。以傲其夫。或侈言弟昆輩萬錢下箸。或高談姊妹行千金置物。而一種菲視男子之微旨。恆溢於詞色之外。在稍有識見之男子。不過以一笑置之。決弗與較。然亦有少年盛氣之徒。聞茲語。積不相容。匪惟大起齟齬。亦且唧恨沒齒。顧滄海桑田。變更極易。設使數年後。而女家勢漸中落。男家乘運勃興。又安知爲之夫者。不以驕傲狀態。轉施之於婦。而爲報復計乎。竊恐女子終其身。迄無寧日矣。吾謂驕侈之心理。無論誰富誰貧。萬不宜有此種心理。施之於族。卽戚友。尙且不可。況夫婦間乎。吾男女同胞。盍一思之。

### (戊)輕薄之心理



大凡世界男女。由議婚而結褵。而少壯以迄垂老時代。切不可存一輕薄之心。吾每見有此類人。不知米鹽家計。爲何事。夫若婦。惟圖以形影相依。爲樂。紅閨綠窗。終日晤對。諱浪笑。傲靡所不至。甚或捉迷藏。猜啞謎。相與撲擊。更或僞爲厮打狀。以爲戲。凡此類舉。動人咸謂其新婚夫婦。猶有童心。而不知皆輕薄之心理。有以致之也。男以女爲玩物。女以男爲頑具。在少年。伉儷初不爲異。竊恐演成習慣。今日生有子女。試問此輕薄態度。將何以垂示後人。安知其子女。不視爲家法之傳。從而效尤乎。揆諸父道。母教。均失之矣。此又不可有也。

(己) 假道學之心理

此與上述輕薄之心理。適成一絕大反比例。吾見有此類男女。嚴厲其詞色。莊重其態度。若以爲神聖。不可侵犯者。平時相處。不獨不苟言笑。雖牀



第之間。各各自峻。其價值自表面上觀之。是其人正不可多得。然而亦自有說。大凡夫婦之間。首宜增進其愛情。始可得唱隨之樂。若雙方挾此假道學之心理。則閨房中轉覺索然無味。而所謂宜室宜家。鼓瑟鼓琴。一室翔和之氣。竟消磨於無何有之鄉矣。不甯惟是使雙方而皆具是觀念。一則槁木一則死灰了。無生人樂趣。自不待言。設男女中有一而弗慣此者。是必因此釀成絕大之變故。甚或夫婦中道脫離。關係亦所在多有。是類心理與輕薄者胥有太過不及之弊。顧輕薄者不過失夫婦之體。而假道學則適足傷家室之和。蓋萬不可有此心理也。

(庚) 怙過失之心理

夫婦之間。縱極和洽。吾未見有終身式相好而無相尤者矣。其偶因細故而啓勃谿及衝突者。在所難免。究其勃谿衝突原因。必互有非是之處。夫



男女當其時雖明知其曲在己又誰肯認其咎者迨事過情遷其心理未嘗無所抱歉特無如仍到底堅持強硬態度以爲我苟自陳已失適所以示弱於彼此卽怙過失之心理作用也浸假不自戒除將始則怙惡不悛久之併其良知悔過之心亦汨沒殆盡萬一兩方各走極端則多一次齟齬卽多一層惡感而所謂夫婦之道苦矣必也於勃谿衝突之後積怒已平或男子謝過不遑或女子自認無狀雙方必有原宥之心如此伉儷之間難有小嫌隙可免大仇恨焉

(辛)乖僻性之心理

具此種心理者率以女子佔大多數譬如其心索某某物弗肯直接告諸其夫或言戚串家不惜重金購取或謂姊妹行妝飾華美其意外微旨欲使其夫心領神會設男子僞爲不解女子必藉他故與之詬誶卽或其夫



爲之購取是物以畀之彼雖喜其如願以償而口頭上猶故作矯強之語謂已無需是寶貴品甚至轉咎所天爲多事希圖消滅己之索是物痕跡不知者謂其爲刁狡其實乃乖僻性成也凡爲女子者亦不宜有此心理焉。

## 第六章 不可無之心理

上節既歷舉不可有之心理數則以爲我男女同胞告矣然不可有而有。不特爲婚姻上之障礙亦且召感情上之乖離謂不可無而無匪惟失夫婦間贊助之功能亦且貽畢生來無窮之隱患且其害較不可有而有者則尤至深而大試分類以述之。

### (一) 防微杜漸之心理

語云凡人涉身處世萬不可存不肖之心以度人此對於交際社會上尙



不宜有此。况夫婦間乎。然亦未可概論者。今試有一男子於此。其平時束身自愛。而一舉一動一言一行。在在不越乎理法範圍之外。固無論矣。如其賦性放誕。風流難保。不在外間有惹草沾花之行爲。或則嗜酗酒。或則好賭博。或則揮霍無度。或則所行不端。凡此諸弊。悉爲青年子弟所最易犯。彼爲之婦者。設不思有術以預防之。安知不誤入歧途。而遺他日之害乎。又試有一女子於此。與其夫伉儷情深。而既染文明習氣。則於細行上。容有未遑自斂者。且關於米鹽家計。亦無何項之經驗。則爲之夫者。萬不能以其愛之故而遂不加以監察。稍一不慎。安知無蕩檢踰閑及措施失當之事件發生乎。必也防微杜漸。始可免以上諸弊。顧防杜之法。又不宜顯露於外。惟於心理上施以無形之作用。或者庶有濟乎。

二 規過勸善之心理



人非聖賢孰能無過。至夫婦之間。不獨男對於女。女對於男。有失當之處。固宜互相規諫。卽雙方對於其他之一言一行。上苟有非是者。亦不宜阿其所好。而弗施以規勸之語。吾每見有男子身冒大不韙之事。其婦不論曲直所在。專壹爲所天。多方辯護。又見有女子與人啓口角上之衅。其夫不論是非誰屬。但知助其婦爭執。無論其能佔最後之優勝與否。尙未可知。然卽此推波助瀾。適足以逢所親之惡。而長其醖測。其結果必致因兇橫故而釀成非常事變。此大不可者也。必也以理爲斷。我所親者果是我。不妨助之。我所親者果非我。當然從而規勸之。卽使彼倔强而不甘納善。我亦當俟其餘怒已平。然後婉辭以進。設譬而喻。未有不入耳而生覺悟之心者。蓋非責其既往。實追其未來也。如是安得不悔過自新者乎。此猶就其大略而言之也。若夫夫婦平時相處。苟有一切不規則之舉。則規過。



勸善之心理。男女皆不可或無者焉。

(三)堅持不屈之心理

例如有一物焉。爲男子所不喜。而爲女子所喜者。則女子必強其夫與己取共同之嗜好。此勢所必至者。又譬如有一事焉。或爲女子不願。而爲男子所願者。則男子必勸其婦與己謀一致之進行。是又理有固然者。在無意識之男女。以愛其所愛。故將犧牲己之所不喜。不願。而勉徇其請。吾見亦數矣。然吾謂男女於此。當先論彼所喜所願之事物。是否正當。與適用。如其可不妨勉與苟同。否則亦可毅然拒絕。何則。事物果不正當。與適用。吾必從彼取同一態度。則吾愛彼者。轉有以害彼矣。惟是堅持不屈之心理。則又不可無也。

(四)發奮自立之心理



當此二十世紀競爭世界。不獨男子宜有自立之性質。卽女子亦何莫不。然夫吾國諺語。女子無才便是德。是說也可行之於閉關自守時代。而不可例諸今茲。雖然。今茲婦女。仍狃於從前陋習。而所謂依賴性質。則猶牢不可拔也。其在母家時。凡有所需。輒取給於其父母。及適人後。衣食之資。日用之費。下及一絲一縷之需。索在在仰男子鼻息。使男子而境遇贍足也。尚可如其願欲。以償設爲貧素之家。欲供給則無力以應付。欲拒絕。又恐失所愛歡心。無已。惟有於無可設法中。從事羅掘。而稱貸之迫。至無可應命。彼夫婦間。屢起齟齬。固無論矣。然男子於經濟上。膺莫大負擔。吾恐窮年累月。終無有清償之一日。試充其量言之。不達飢餓凍餒之途。而弗止。甚至有其婦中道離異而去者。此皆因女子不能自立致也。吾謂今世女子。宜先有自立之策。顧自立之策。正不一其途。賅括而言。不外於書字。



及針黹上討生活于歸後夫壻之力果能贍給我也我不妨事仰仗於彼如其不然我亦可或爲女學校員或製女紅以得值未始非輕男子負擔之一道蓋寧可備而弗用不可欲用時而無所措置此種心理萬不可無也。

(五) 深謀遠慮之心理

聖經云人無遠慮必有近憂斯意也蓋包括人之治國治家涉身處世而言之也至於夫婦之間尤不可無譬如男子本富有資財爲之婦者若聽其揮霍無度然金山銅穴終有竭罄之時吾每見有富豪之子以不知節制其用途故而日虧月累馴至式微且漸入窘迫之境者無他皆已無遠慮所致更因其婦不然勸誡之故耳迨至近憂已至目前始生悔念抑已晚矣則何如預存一遠慮之心理之爲愈乎吾今略舉其一端爲我男女



同胞警告至其他之事亦由此類推焉

(六)含忍優容之心理

大凡夫婦之間終其身未有不互有過失者也然過失亦有大小輕重之別若其犯萬難容忍之變故則雙方自當據理詰責毫無疑義至於一事一物之微或有無心之告彼則蹈其短而諄讓不留餘地此則摘其非而詬誶時有所聞互相立於爭執地位勃谿衝突因之起矣不肖惟是報復觀念盡人皆有彼既以尋疵抵隙之手段施之於我者我亦將出其尋疵抵隙之心計施之於彼馴茲以往雙方既生無量惡感他日即未有過失亦必藉端節外生枝以快其怨預測結果縱不至釀成離異慘劇者亦將畢生如冰炭之格格不入儼然仇寇則夫婦之道苦矣揆厥原因皆由其初不能含忍優容階之厲也是故男女關於家庭之間欲求感情上臻美



滿良緣者不可無含忍優容之心理也。

## 第七章 結論

以上所述對於男女心理研究上。雖未能搜括無遺。然就大略言之。著者敢自謂。普天下男女不能越吾所述範圍之外矣。顧或者曰。近今世界人之心。理愈出愈歧。愈變愈奇。如子所述。安能推闡盡致。則將應之曰。吾書縱未必推闡盡致。然有一言可以概括。是在身當其境之男女。本吾書之情。融會而貫通。因此以悟彼。所謂舉一隅可以三隅反者是。則或者其庶幾乎若必使吾逐次筆舉之。著者敬謝不敏焉。



庭家  
寶鑒

# 婚姻指南第三編

周化龍著

## 男女交際法

### 第一章 緒論

嗚呼。家庭專制。莫若中國甚矣。觀於男女交際一端。吾國殆寂然無聞。卽曰。有之。亦爲親長所不容。鄉黨所厲禁。蓋必令謹守閨門。不聞世事。而纏其足。洞其耳。使之不能自由。運動。養成天地間一種自居玩物之依賴性。致二萬萬有智有識之女國民。不齒于圓顱方趾之中。雖蓄遠大之志者。奈英雄無用武之地。懷抱無商榷之方。而無意識之古訓。至爲今日女界進化之障礙。悲夫。苟長此終古。則女權萎靡。女學沈淪。母教烏能良善。前途如斯。何以望。



國家之興強與人生之幸福歟。是以求國家興強及人生之幸福。其惟男女交際始乎。處今日天演之大舞臺。適者存之。革其無用之。古學而採取歐化。男女兼教。則交際亦可平等。假謂男女交際。恐致流弊。則舊時閨訓女箴。不可謂不嚴且密。而鄭衛之風。未嘗絕也。由此觀之。則弊不在男女隔絕。交際也明矣。學問深而道德自尊。道德尊而流弊可絕。交際廣則見聞多。世有交際不廣而能立功成業者乎。男女間接凡事隔膜。此一定不易之至理。閨訓固當遵守。但不可爲其所牽制而放棄。天賦自由之人。權務使中國女界鮮明燦爛之旂幟。獨立不倚。與男界共圖進取。握手同登衽席。凡諸男子亦當自重人格。一言一語一舉一動。必出之以禮。拘之以墨。莫爲狂且之態。勿存輕褻之意。致令閨媛齒冷。蓋男女交際云者。非盡屬婚姻夫婦之間也。

## 第二章 交際之要素



老子曰。鷄犬之聲相聞。老死不相往來。在上古之時。智識閉塞。自有爾自爲。爾我自爲。我之概然一家之內。夫婦之間。想象之定。有所謂交際者。在蓋吾人自墮地以來。雖言語不能表述。而一啼一笑。莫不含有交際的意義也。第智識簡單。不能如成人之巧言令色。善爲設辭耳。吾人交際之要素。乃在將我之意思。用言語及其他之方法宣達。使我以外之人（如你他彼等）明瞭。或我以外之人用言語及其他之方法。使我聆會如是而矣。故吾謂老子雖云老死不相往來。乃此村之與彼村。不相往來。非云人類與人類不相接近也。

人類之交際。既如上述。則吾人一切舉動。直可以交際二字包括之。亦不爲過。不寧惟是。即揆諸人類與非人類接近。亦含有交際的意義。例如我愛一犬。我與犬接近。時愛而撫之。犬必搖尾舞爪。向我表示歡迎。反是而憎之。或



持杖擊之。犬必悻悻而逸。其中心惱恨。一望而知。設使犬而能言。其蒙愛也。必溫語道寒暄。其遭憎也。必怒詈發怨辭。此何故。實智識作用耳。準是而論。凡屬有智識之動物。其天然的行爲。必有交際性質存乎其間。嘗游行郊外。見野放之馴馬。嚙草之暇。必互相齧齧。其皮毛使之潔淨。此又天然交際性之呈露於外者也。

天然交際之性質。凡屬動物。概由天賦也明矣。然則吾人自太古以還。不能一刻離交際。可以想象而知。第因智識閉塞。與開明之關係。遂有今昔不同之點。約而比較之。如左。

(一) 古人交際狹窄。今人則廣闊。

(二) 古人交際簡單。今人則繁複。

(三) 古人交際誠樸。今人則狡猾。



(四) 古人交際尙實在。今則多虛飾。

(五) 古人交際儉。今人交際奢。

右述之五端。雖祇綜其概略。然大抵不能出此範圍。但交際之要素。則古今如一。不能或有變更者。人類如斯。人類以外之一切衆生。亦莫不然。此千古一定不易者也。

## 第二章 交際之作用


吾人既明交際之要素。第二步乃研究交際之作用矣。吾人當思天爲何賦我以交際之性質。吾人生存於世爲何一刻不能離去交際。吾深思者再一日豁然。蓋吾人之生存也。必仗我以外之一切動植礦物。食也。需黍衣也。需帛屋住也。需房舍。雖上古之人茹毛而飲。穴土而居。處其毛血與穴土皆屬我一身以外之物。既有所需求於交際上。乃不能完全脫去關係。(此節



驟觀之似與交際無關。讀者如能閉目深思。並參閱上章。當知吾言之不謬。一何況不克茹毛飲血。常此終古則黍也。需耕耕則需耒耜。耒耜不能自爲。則須求諸冶工。冶工需鐵。必求諸鑛。一黍之微。與我以外之人相關也。如此其衣也。必須帛棉之屬。房舍也。需樑柱磚石原料。更繁一襲之衣。至加諸吾身。其製造者之人。功不知幾許。一舍之成。更不能深究矣。故吾人善用天賦之交際。使互相援助。彼善於耕。此則助之以冶。此善於織。彼則助之以紵。彼爲伐木之樵子。此作斲輪之梓人。人類交際之作用。於是乎成效著矣。因交際之作用如此。故吾上章所謂吾人一切舉動。皆可以交際二字包括之。實不能出此範圍。緣人類之交際。至廣且大。以廣義言之。必如此也。若本書所述。乃完全屬於人類與人類之交際。並且祇限於男女間。爲狹義中之狹義。雖然其要素及作用。則決不能逾越原理。另起爐灶者也。



男女間交際之作用。其正軌一如普通交際之互相援助。直接有益於家庭。間按造福於社會。蓋占重要部分也。細按之約可分爲兩大類。八細目。試列如左表。





據上表約略而言。細目已分爲八。詳加細按。直千端萬緒。不堪究詰。而交際之手段。既難強同。作用亦懸殊。其在尊親屬及卑屬。幾無所謂手段作用。亦隱而不顯。疎屬中之遠族外戚。與尊屬稍異。祇須斟酌親疏。以敷衍之。其最關緊要者。爲親屬中之夫婦。與疏屬中之友朋耳。

#### 第四章 交際之手段

交際之作用。既異。而又須斟酌其間。不得不有手段。應付之手段。云者。非作僞巧飾之謂。蓋依社會交際之常例。一以真誠懇摯出之者也。例如有一素不謀面之人。適有機會與其晤面。初時彼此不過以尊姓大名之老文章相問答。驟觀之。在交際上似無關重要。殊不知人之交際。在第一次寥寥數語中。最易暴顯人格也。若語言澀滯。應答不倫。望而知爲淺見少聞之愚夫。反是而談唾通暢。對答如流。固屬交際之必要手段。然任發議論。目空一切。又



爲罵時玩世之狂士過與不及固屬相等但寧愚毋狂昔人垂爲名訓此層亦不可不知故欲行使交際之手段須注意左列之事項

(一) 語言溫婉 吾人交際之開宗明義必藉語言爲之媒介設語言麤魯舉辭鄙俗決不爲人所歡迎必語言溫婉不失自身之本相措辭幽嫻不爲他人所竊笑莫爲狂且之言莫作驚人之語此爲交際手段之第一步

(二) 舉止安詳 語言可以顯一人之賢愚舉止乃可見平素之性情如舉止草率行動不定其人必失之暴躁反是而萎靡不振缺乏精神則又過於懦弱必舉止安詳行動有節不作輕佻之狀態不爲呆滯之行爲此爲交際手段之第二步

(三) 容貌莊重 語言舉止之外最足以增進交際之程度並爲之媒介者厥爲容貌容貌之受人歡迎與否不以妍媸而別卽豔如西子美若安琪



而鷹眈狼顧。垢面蓬頭。能在交際場中獲勝者。未之有也。故交際手段之第三步。必容貌莊重。形狀端謹。

(四)精神貫注。精神爲一人之代表。設精神恍惚。別有所思。則語言不倫。問聞凌亂。實爲交際場中失敗之唯一伏線。故必聚精會神。注意問答。此爲交際手段之第四步。

(五)措辭誠摯。誠摯者。非謂將一生之經歷。並自己之隱事。盡情向人直道。如是者。非爲誠摯。謂之癡騃。誠摯也者。不作虛僞之言。不飾欺人之辭。假如問者曰。某書讀過未。某人相識否。答者欲遮飾自己場面。以顯淵博。或欲妄攀有名人物。以充紳矜。某書實不曾閱過。某人亦未嘗相識。僞答之。至問及書中情節。必瞠目而不能置答。或值某人適來。乃覲面而不識。廬山非但爲人厭棄。並且被人輕視。自失人格。故以措辭誠摯爲第五步。



也。

(六)接待殷勤。殷勤與阿諛在表面上觀之似不能分別。細按之實屬不同。但相異之點其間乃不容髮。蓋殷勤之者在我。乃盡賓主之誼。然殷勤過分。卽入阿諛之塗。世間之奉承恭維。固無往而覆。從來未聞有受人恭維不歡而發怒者。然爲保全自己人格起見。萬萬不宜過分。又不宜忽於周全。須不抗不卑。斯爲得中。此卽交際手段之第六步。

綜上六端。雖不能稱爲交際場中之金科玉律。然交際之初步。如能按而行之。諒不致完全失敗。此外如鑒貌辨色。隨風使篷等。亦爲交際上要着。然已近於圓滑。在普通社會上適宜用之。固不失爲交際之變格。於實際上究亦無甚益處。而夫婦間則萬萬不能用此圓滑手段。蓋雙方如有一方欲求實際。則無以應付。必致賁事也。



## 第五章 交際之禮式

人類交際之初步。已如上章所述。本書之宗旨。乃在婚姻方面。然於普通交際法。不得不略述大概。而男女間之交際。固有異於平常之處。然不明普通方法。往往失之簡陋。蓋普通交際之法。爲大綱。男女交際之法。爲細目也。男女交際場中之第一節。乃爲禮式。禮式不諳。無有不被人所竊笑者。郭汾陽謂婦女孺子。識見最淺。可爲中國。昔時女子之寫真。時至今日。固不能作此過激之言。以貶我女界同胞。然女子之秉性。總不如男子之豁達。此質性使然歟。在男子遇他人。有不諳禮節之舉動。無論如何可笑。總不致形諸於外。女子則不然。非鄙棄。卽從旁非議。而竊咲之。故禮式爲男女交際上所必要。而人類生活所不可缺之要件也。無古今東西之別。而禮式無所不在。已爲皎然之事實。迨進於文明。禮式漸加複雜。其方法亦必高尚。茲述西洋禮式。



之一斑並參以吾國禮尚風俗詳加申述以供參攷於社會交際上略有裨補歟。

(一) 親密 親密乃禮式上之所最要者親密云者謂所表現之真正親切也故親密之事精神尤重於形式而出不由衷僅爲形式上之親密者不足。以。感。動。人。心。也。雖。然。形。式。亦。未。可。或。失。

(二) 形式 心之親切不能完全表示必有待於形式形式之目的雖以表示已之感情於他人爲主而有時用於僅爲自己之某目的者是雖屬非必需之形式且爲無益之舉亦決不盡然蓋生存於世間決不能爲孤立之生活不能孤立則必有與他人相親之方便而又有用形式之必要矣要之交際上親密之目的不問生活程度之如何不論於社會地位之高下純以與快感於他人爲主而決不可與人以痛苦與不便也。



(三)高尙之人。高尙之人常免使他人起怨恨之情。同時己亦不易受他人之怨恨。若他人怒己者。苟其人謝罪。即寬宥之。同時己若誤怒他人。則速行遜謝。若有過失。即自白其罪。不憚改其缺點焉。

(四)接近之人。與己接近之人。宜與以相當之尊敬。與名譽。而力授以安慰。及愉快。並時思如此。則致對我者。無味。如彼。則使之感動。苟有害及他人感情之言語。必慎審出之。縱在神經過敏之人。亦無起有惡感之虞。然後可以語之他人矣。

(五)嚴守時間。無論食時。或會晤之時。決不遲到。若有約定之時間。則任有若何要事。亦暫行擱置。而嚴守其時間。分毫不逾。東洋人士忽視時間。常後時而至。以爲遲一二時。亦不足異。以此習慣。究不能應用於與西人之交際上也。



(六)不爭座位。於公席或會場及電車等處決不可爭執座位。若知他人不得座位時則先使他人就位。決不自行急急就位。特遇有婦女老幼或殘廢時則讓位與之。

(七)愛敬。人遇已雖不親切而已。亦當厚遇他人。常保其言貌可親之態度。不出於人之所嫌忌。亦不自鳴其聰明而常若寬量而有餘裕焉。

(八)不擾物事。身有災難雖屬非常。無所搔擾。無所追悔。而見他人遇難或有事時則速與以助力。或力所不逮即避去其地。而若不知者不爲無益之喧囂也。

## 第六章 衣服及粧飾

(一)衣服。諺曰佛爲金裝。人爲衣裝。吾人與服裝之關係實有不可忽略之處。況世風不古。重衣而不重人。富稱敵國而衫裊褻縷者。決不爲世人



刮目貧比范叔而衣裳鮮豔者必受社會歡迎此可想見衣服之作用故在交際場中以衣着整齊爲必要之條件整齊云者非謂料必綾羅質盡絲帛祇須篇幅整潔修短合身斯得之矣

(二)身體 無論於己家抑於他宅着污垢之衣服留穢黑之長爪不沐不浴決不可出於他人之面前又履不潔之靴襪存不快之氣味亦不可出於他人之面前也

(三)食時 食時尤須清潔而快活故宜注意衣裳及其他之污點必淨手口整容髮含微笑而向食堂又腕臂或襯衣之袖口等亦決不可於膳食之前露之外面焉

(四)奢侈品 奢侈品務不可用雖好用流行之物而勿耽於極端之奢華若用多數之寶石飾物及無用之粧飾品反不美觀宜避之身著種種雜



色過觸人目之衣亦流於輕佻故衣服顏色如一不致爲人注視爲最上焉。

(五)健康 健康爲最要條件之一宜加注意俾常保其健康以和氣之顏色快活之態度唇紅齒白健履如飛較之長裙曳地短衣纖足者必更加美觀也。

(六)衛生 宜重衛生常行沐浴日用牙刷二三次洗齒以保身體之清潔。

(七)自然 自然美於人爲故務須力避若以脂紛髮油香水等用之頭髮過於造作必爲人所厭棄反是而不櫛不梳污垢滿面亦屬可憎夫毛髮之凌亂爲野蠻之遺風不適用於當世文明時代則髮務常梳以保其美男子至少亦必月理一次而常加梳洗其有鬚鬚者亦宜整理勿任其雜亂焉。



(八)洗手。無事勿汚手稍汚宜速洗之。然正直且神聖之勞動之印亦無所用其恥也。

## 第七章 紹介與應酬

以己之友人紹介於他人之友人於交際上甚屬緊要故西人遇有友人過訪時而有他客在座即紹介於雙方而有冀將來交誼之機會吾國南部之習慣於此層向不行使羣鄙爲妄攀惟山東以北之習慣亦與西人彷彿北京天津等處且盛行之即所爲引見是也交際場中此層最爲緊要譬如在某處見某人我心儀之而未由識荆若無人紹介必長此終古終無相識之一日心儀其人而不獲識面實爲吾人之大憾倩人紹介即可彌此缺憾風俗雖無不妨由我開通之方今交通便利南北之風俗擇其善者而用之諒必不爲社會擯斥亦不必拘拘引西禮爲口頭之禪爲古樸之人所不權也



至對於素不識面之女子。則萬萬不可妄倩友人介紹。蓋今日女界雖云開通。風俗所關類多避忌。冒不韙而妄爲之。必蒙羞辱。此層不可不慎之又慎。將來設能完全躋於大同。則爲吾人所歡迎。惟須有以待之。弗作猛浪之舉可也。西人之介紹方法。述之如下。

(一) 紹介之順序 紹介男子於婦女時。宜先稱婦女之名。若雙方同姓。則先稱年長者之名。有職位則先稱上級者。然後再稱男子之名。或年少者之名。下級者之名。若紹介多人於一人時。則先稱其一人之名。嗣再依次稱其他各人之名氏焉。

(二) 紹介人之注意 紹介之人於每稱名時。首當稍垂而有謂。『某君此君向後諸請照應』之意義焉。

(三) 被紹介者 被紹介者則謂『諸請指教』。『今後務請照應』。或『余極』



喜與足下相會」等語亦稍俯首然於紹介多人於一人之時則各人僅少俯首不別需言語之應酬也。

(四)受紹介人 受紹介者亦當以同樣之意義應酬至因握手而伸手與否雖可隨意而於婦女初晤面時則務以不請握手爲佳若在男子則紹介之時皆通行握手也。

(五)握手 握手于親睦友情上甚爲切要故握手之不可不親睦固無待言而強行堅握亦未爲可特與女子握手時務須等於對手之握法何則女子之手既甚軟弱而強行握之使感痛苦適爲無禮若着手套時使之脫去非唯甚形費事亦似待人若泛泛者故雖手套仍舊亦可握手而遇着厚手套時須言「套請仍舊」而手套薄者則不須別言之至用右手雖屬正當而右手持物無暇移于左手時則雖左手亦可其時卽當言請



以左手也。

(六)握手順序 男女相會時男不可先女而握手女先出手而求握手時則男必須應之若在親密之友人間則男當不待女之請求而求握手是表示友情故也至男子與男子相會時則當由年長者先伸手以求握手有階級者則當由上級者先出手總之握手以尊屬之人先許卑屬之人爲禮以女子先許男子爲式唯女子訪問男子之家宅時則男子因表歡迎來客之意當卽出手而以親切之情握手焉

(七)家族 紹介家族於他人時宜一一稱名並說明被紹介人對於紹介人之親族關係稱名宜明瞭若未聞悉雖反覆請求亦可蓋紹介本以知名晤面爲目的也而至食桌後再行紹介者甚稀所當於未就食桌之前先行紹介也



(八)戶外紹介。途中亦有紹介之事。如偕友人散步街上時。適遇他友。宜速行紹介。一方之友人於他一方之友人。此時務勿觸他人之目。而致失儀。如來者爲女子。雖屬不識之人。男子亦宜脫帽俯首。如男與女。或男與男。同道時。而有女子來會。若其女與其中之一人相識。則其他之一人。縱屬對手之婦女。卽一面未識。亦當脫帽俯首。雖略脫帽子。而必不可缺此西洋普通之儀式也。

(九)偕行。若二人同道時。遇一友人。暫行會談。亦得不紹介。同行者於友人至別時。雖屬不識。二人亦宜稍脫帽而行。注目禮也。

(十)第二次。若男女由他人紹介。後至第二次會見時。女子當先謁男。爲禮。而男子亦當待女之爲禮。蓋有時女子有不願其紹介之男子交際。而裝爲不知之態者也。



(十二)男女相會 男女於途中相會女俯首時男必脫帽俯首答禮唯帽子稍脫卽當復原蓋途中脫帽長時會談非唯困難亦且有感冒之虞也紳士或於途中偕有婦女所熟之紳士相會時若招呼其人卽當脫帽蓋以其伴有婦女故也縱其婦女與已一面未識而苟識其同伴之男子必當脫帽而同伴之男子亦當脫帽答禮也

(一二)告別之時 告別之時則他適之人宜先出手如訪友人而告別時主人方面之請留既爲普通之應酬當然不能由主人出手以促客歸則當由客先出手而求握手以表欲歸之意而主人方面初雖請留至二次以後則不可復留蓋客有他約不能堅留使之不便也

## 第八章 訪問及談話

(一)訪問 訪問爲社交上之所必需而親睦上之不可缺者至少每週當



訪問一次以聯絡情誼也。

(二)時間 欲謀時間之適否。宜乘主人最閒暇之時。日訪問而訪問之時。若知主人即將外出。決不可久留。其時唯稍寒暄。即當告退。此訪問者所須知之禮儀也。

(三)外套之脫却 若至冬日。宜着外套及皮靴。其時一入前門。即脫去之。外套懸之于壁。靴則安置其側。若持傘時。即與靴併置一處。若稍留。即去。亦可手攜帽杖。逕往客廳。其時主人於應酬之前。先言「清稍留。可擱置帽杖」。然後爲禮式之應酬。唯應酬之時。若與在座之人一一握手。亦頗困難。此當留心者也。

(四)入座 入座當待主人之請求而後行之。主人未請之先。決不可自行入座。而主人於握手畢時。即當勸客入座也。



(五)舉動。訪問之間主客俱當肅靜決不可高聲大笑言及猥褻決不可舉動亂暴亦不可觸及家具及裝飾品或徘徊室內檢點字畫等件而伸足搖椅身傾于前後左右或爲欠伸等事亦非所宜總之主客對話之際當極肅靜決不可隨意取攜器具等物也。

(六)音樂。西洋盛行音樂其中等以上之家庭固無待言卽中下等之家庭亦多備有批阿那及五絃琴等樂器故三四友人相會時卽奏樂詠歌以爲樂其時不可不待主人之勸請而逕自爲之若欲行之當先請主人之許可又已若非真厭之者卽宜不拒主人之請求而速行爲之是卽禮也若客旣拒二次則不可再三請之否則是對客爲無禮矣。

(七)客席。於客席中交頭接耳依倚懷抱或專爲一人誦讀則對於其他主客甚屬無禮諺有「客席不許耳語」之說務對衆人爲有興味之談。



話而不可專爲一人。又不可一己專語。又對向他人之語。不可僭答至己身之話。當避之。俾免與人以不快。又見主人待己不善時。不可現於顏色。不可懸念。亦決不可於客中介懷。無論何事。專注意。暫忘自己。以俾他客欣悅。不可逆人之言。不可議論。不可大言壯語。有所語。當卽陳其要點。毋使他人起厭忌之念。至冗談舊話。亦非客坐所宜聞。人之話。宜熱心聽之。決不可左右他顧。若不措意者。若不合意者。卽勿憶之可也。

(八)遲緩 訪問時。勿過久坐。若時間既至。卽當退出。一旦起身。不可復坐。以免使人跼促。總之對人。須免遲緩之舉動也。

## 第九章 交際親密之原素

普通交際之方法及程序。已如上述。雖因地方不同。風俗各異。有所進出。但大體已具。因事而增損。自在吾人之心領神會。惟男女交際之方法及作用。



既與普通交際有異。而男女如含有婚姻觀念者。其表面上似與普通男女交際無甚出入。其精神上則大相懸殊。譬如吾識兩女士交誼。與年齡尊卑等等均各相同。一有婚姻觀念。一則無之。其交際上之手續及行爲。吾欲使之平勻。故一舉一動無甚軒輊。在外人觀之。直一無高下。而吾之精神上。對於有婚姻觀念者。其感性必密。無者必疎。雖欲故爲造作。對於疎者密之。密者疎之。則更見其密者更密。疎者益疎。蓋吾人之交際。躋至於有婚姻觀念。乃從形式上之親密。進而爲精神上之親密矣。其無婚姻觀念者。無論如何在形式上。若何親密。決不能變爲精神上之親密。此中理由頗爲複雜。約而言之。厥有數端。

(一)性情相投。昔人曰。人心之不同。有如其面。心既不同。性自各別。故一人有一人之性情。一人有一人之舉動。性情蘊於中。舉動形於外。大抵欲



知其人之性情必從舉動上靜觀而默察之此之性情既與我大略相同則彼之性情與我遠者我雖強欲親之彼必不愜於心反是而彼欲親我我亦未能滿意不能親密自然日遠而趨於同者故性情如果相同則如磁石之引鐵不能或解不期而然日益親密

(二)嗜好彷彿 嗜好者範圍頗廣嗜酒嗜烟之不良行爲固亦稱之曰嗜好而嗜詩嗜畫之雅人墨客亦概名之曰嗜好蓋嗜好云者專攻之謂我則嗜誦讀彼則嗜游嬉彼見我咿唔咕嗶爲可厭我見彼躑躅奔波爲可憎則焉能強使親密況嗜紅嗜紫各有不同此男女間之嗜好相同亦爲引進親密之導線

(三)行爲不背 行爲與性情乃互相作用一者爲表一者爲裏性情既與我相同行爲諒可不背似已不成問題然人心不古事理難測往往矯揉



造作能將自己之性情藏匿不使人見。完全將其閱歷所得行使其假仁偽義以假面具向交際場中酹酢愚懵者必墜其術中。然性情本諸天良相共既久無有不露馬足者。如能稍在行爲上注意必能抉發隱微久久而行爲不背性情亦足增長親密。

(四)戀愛有恒 由交際而進於戀愛其中必含有婚姻意味。因交際者範圍甚廣戀愛乃專用於男女之間。而男女間如非婚姻而互相戀愛者爲之無恥乃最不正當。其最正當而神聖不可侵犯者厥惟婚姻關係之互相戀愛。然青年男女魄力不堅往往見異思遷。今日與甲戀愛明日見乙勝甲又與乙戀愛如是之青年男女世界萬國奚止恒河沙數。此種戀愛卽謂之無恆愛。既無常情何能密必也。始終如一至死靡他如是則卿卿我我因戀愛而親密自增。



(五)互相尊敬。交際上之尊敬至爲重要。譬如有人在某處與我晤面。我則傲不爲禮。必爲人所齒冷。實爲交際之障。戀愛上之交際。固不能與泛泛者同日而語。然尊敬則一。我能尊敬彼。自懽忻亦必以敬尊之態度回報之。互相尊敬。親密益堅。固不懈。

(六)彼此原諒。原諒者。原其心而諒之。不爲苛求之責備也。如言語中及行爲上有不滿意之處。當揆其事實。彼此曲爲原諒。亦係增進親密之要着也。

## 第十章 未婚前交際之忌

吾人在未婚以前之交際。固與普通交際毫無分別。但有時或不盡然。何以故。緣普通之交際。乃如過眼雲烟。轉背卽了。卽關於事實而須別擇而答復者。與交際上絕不相關。蓋事實自事實。交際自交際也。未婚以前之男女交



際則不然。譬如我今日接見之人。其面貌如何。學問如何。及夫門第品行。必一一盤旋於腦海。或祇見一面。已覺魂消。或印結兩心。暗地竊喜。試問普通交際之後。尙有如許想象否。吾知無論何人。決其必然無也。如是則未婚以前之男女交際。實與普通交際有大想懸殊之點在焉。攷夫吾國古禮。男子與女子。直無所謂交際。女子七歲。卽不能與男子同席。束縛女子。直同幽囚於囹圄之中。甚言之下。且有無才是德之謬論。嗚呼。女子苦矣。光宣以還。社會革新。婚姻習慣。漸漸改變。爲女界揭一線光明。然有一知半解之輩。借自由之美名。行苟且之實事。踰牆穴壁。蕩檢無行。亦必號之於衆曰。我自由也。遂使嗜古如癖之流。益視新學如讎敵。直有洗耳不聞之概。噫。過於不及。其害乃屬相等。無可或逃者。故欲革此弊。非有未婚以前正當之交際。及端謹之行爲。不爲功耳。



未婚以前正當之交際既有除舊革新防弊去害之功而其歸宿必趨於婚姻之一途否則亦必召淫蕩之謗其理至易明瞭也準是而論未婚前之交際乃有六忌今分別述之如下

(一)忌妄想 妄想者我之身分與地位本祇平平而中心卻欲妄攀於我較高之人與之結婚此卽諺所謂癩蝦蟆想吃天鵝肉也要知門當戶對古有名訓即使世界潮流爭趨平等已無所謂階級存乎其間然貧富懸殊儉奢各別設一旦結爲姻婭富者嘗存一鄙棄之心貧者雖多方羅掘力瘁筋疲尙不能博富人之一瞥卽曰兩小無猜愛情濃摯而家庭間已感若何之痛苦試思於心安乎況尙未可必其不忤至於依人生活仗勢逍遙則爲吾人之大恥不足論矣

(二)忌自暴 英雄不嫌出身低將相由來本無種固不能以人之景遇而



定。格。局。但。情。之。所。鍾。往。往。能。使。吾。人。志。氣。頹。喪。不。顧。聲。譽。譬。如。我。心。目。中。之。情。人。與。我。兩。心。相。結。誓。以。終。身。但。彼。性。情。倜。儻。西。子。已。蒙。不。潔。之。名。或。行。爲。不。端。韓。掾。早。召。偷。香。之。誚。我。則。爲。情。愛。所。蔽。不。計。利。害。毅。然。與。之。結。婚。後。乃。不。理。於。衆。口。資。爲。談。助。卽。鰈。鰈。鸚。鵡。亦。不。免。中。心。媿。慙。此。自。暴。人。格。所。以。亦。爲。切。忌。也。

(三)忌敷衍 敷衍云者雙方中本有一方不甚愜意而覺情意難卻姑以假意敷衍之且到屆時再說殊不知此則敷衍彼則認真一到圖窮七見欲罷不能娶又不可進退失據悔之已晚故婚姻交際中必須有毅然之決心遠到之魄力可則親而近之否則遠而避之蓋凡事須求實在何況婚姻爲個人一生之幸福所關乎。

(四)忌草率 語曰三思而後行子聞之曰再思可矣故慎思敏辨乃爲處。



世。要。着。未。婚。前。之。交。際。何。獨。不。然。設。一。見。傾。心。卽。存。婚。姻。之。觀。念。或。竟。草。率。訂。約。不。久。覺。此。猶。不。是。彼。猶。又。不。足。雖。婚。姻。自。由。載。諸。法。律。卽。至。已。婚。之。後。離。異。固。所。不。禁。何。況。尙。未。成。親。毀。約。尤。爲。易。易。但。在。風。氣。未。盡。開。通。時。代。恐。於。名。譽。上。不。甚。相。宜。而。揆。諸。女。子。從。一。而。終。之。義。於。道。德。上。亦。未。免。欠。缺。故。與。其。決。裂。於。終。莫。若。慎。審。於。始。諺。曰。刀。創。藥。雖。好。不。割。破。爲。妙。此。之。謂。也。

(五) 忌鄙俗 男女間之交際往往易近於狎褻狎褻則鄙俗隨之蓋青年男女血氣未定再經社會不良風俗之傳染及男女間晉接之激刺往往不克自持恣意妄爲結果乃至聲名狼籍兩敗俱傷而雙方中設遇有一人格高尚性情磊落者則必爲一方鄙棄功敗垂成此所以切忌也

(六) 忌無行 名譽爲第二生命西哲垂爲切戒如品行不端名譽卽隨之



掃地。世間無論何人。好勝之念。必富。卽萬不得已。於名譽上有所損害。必多方設法保全之。非至無可如何。決不甘使其敗壞也。今試執塗人而問之。曰。汝欲品行不端之人。爲汝之夫。或婦乎。吾知其決不首肯。如是則婚姻方面。卽生極大之阻礙。女子則尤好虛榮。此品行無賴。更在當忌之例也。

## 第十一章 訂婚前之交際

在社會中經歷普通交際之後。雙方愜意。各含情愫。而存有婚姻觀念。此之謂訂婚。以前之交際。一達此時。雙方之感情。必異常親密。否則決不能達到如此地步。在西洋各國盛行自由結婚地方。均重視此時。爲婚姻成功之關鍵。吾國舊時婚姻。在未婚以前。類皆一面不識。卽已有婚約。偶而會面。雙方必引而避之。惟恐不遠。蓋習俗如此。故無所謂交際存乎其間也。歐風東漸。



婚姻自由之潮流。日益澎湃。一革從前舊習。於是交際尙矣。雖東西異地。風尚各別。然既入此軌範。不得不循此常塗。以抵成功。故凡有婚姻觀念者。亦必認此時爲緊要關鍵。不能飛越。在此時期中。循序而進。約可分爲三小時。期略述之如左。

(一)彼此欽慕時期 經過普通交際時期（如素未謀面。由友人介紹。或自小熟識。長而有情之類）彼此均已熟識。必互相欽慕。此羨彼學。問淵博。彼慕此人品。端方。過從既密。情愫乃生。

(二)互用情愫時期 在此時期中。雙方必有一種觀念。常盤旋於腦海中。洗之不去。卽『彼究竟愛我與否』是也。因此一念。遂發生左列之事實。

(甲)彼此用言語探試。

(乙)彼此在有意無意之中。故作騃愚。



(丙)藉微物以探心理

(丁)故作無情以探彼方之情愔

(戊)在談論或閱書時借評他人以探志向

(己)互述嗜好(非嗜酒嗜烟等等惡嗜好)以覲彼之贊成與否

(庚)通信

(三)求訂婚約時期 既經以上二時期設中塗雙方或一方稍有不愜並無疏通之機會或有此機會而不願疏通乃至決裂則婚約決不能成立如經過此二時期雙方情愔日益親密中塗亦並無阻礙一路康莊平安抵此則雙方意思中必異常圓滿而其觀念必歸宿至婚姻一塗此則非娶不足以謀一生幸福彼亦非歸便難償平素深情於是必由男子婉言向女子求之女子當然應允並表示歡忻之意



此三時期經過而並不犯本書第十章諸忌者可立時告諸家族主婚人行問名納采諸禮隨各地風俗酌量行之。若不行此種手續其婚約尙不能一定。雖由雙方承認究屬兩方之祕密而口頭答應在法律上不能發生效力也。必如斯經主婚人及證婚人行過一番手續宣布親族婚姻關係遂正式成立訂婚前之交際乃可告一段落。

## 第十一章 交際不慎之害

夫男女至於交際自由其間藩籬盡撤易於爲非。此古人不以男女有交際權爲然亦防閒之意也。至於今日吾人幾已爭回自由之權（指吾國人而言）而一脫前此父母之束縛禮防之羈縻男女始有交際然而試一考之事實未足謂幸福也。吾非謂交際自由不善也亦非謂制度雖良只宜於歐美而不宜於吾國也。蓋效法之未得其道而男女間不慎於交際故非福而



有害。夫婚姻不自由之害。其過可歸之於父母。而交際不慎。害及婚姻者。其過又誰任之。是非己身自任之耶。不慎之害有三。(一)只凭一時之感情。而有交際玷其終身之名譽。(二)爲貌或財所惑。而與之交際。卽成爲夫婦。將來必貽伊戚。(三)交際之目的。在婚姻與男女相識。卽自然訂婚。夫凭一時之感情作用。而有交際者。則不久其感情。卽將淡薄。(感情之爲物。其來也漸。則其入也深。而固其來也速。則其入也淺。而易消。此自然之理也。)感情淡薄。婚姻目的未達。而人將譏爲薄情。或并終身受不潔之名。爲貌或財所惑者。則其所藉以團結之力。不在情也。而惟在貌與財。貌有衰時。財有盡時。在一方面。必有。不滿意之時。在又一方面。恃其貌與財。亦恆輕視其偶。此種結果。其初則相輕。其繼則離異。此勢使然也。若夫草草成婚。一見如故者。其目的祇在求偶。未娶之前。固覺不良者。猶勝於無一。及已娶之後。方知無之。



勝於不良矣。故與其不良也。無寧再待之。然男女交際之間。男子之欺詐。甚於女子。如已娶也。或諱言未娶。如無職業也。而自言有業。甚至於無學問也。而假借他人之文學。以充自己之著作。其種種手續。不同要之用。以欺詐女子。而使之受其欺詐。則一也。吾爲此言。吾不敢謂今日之青年。人人如是。亦不敢謂大數如是。但今日青年之中。如此人者。未必無一二焉。苟女子一受其欺詐。則後悔無及矣。且男子或受女子之欺。則結婚之後。一經發覺。不難立即分離。若夫女子受男子之欺。則雖亦可以離婚。於法律雖無不可。而於習慣則殊非美談。故尤不可不慎也。尤有要事爲男女交際時。均所須知者。如交際目的。在於婚姻。則須察其愛情。能永久不變與否。譬如甲男甲女學問年歲。均堪配偶。而二人情好。亦皆本於真情。初無絲毫假借存於其間。此可謂之美滿姻緣矣。於是訂爲婚姻。乃爲時未久。甲忽見乙女。乙女之才與



貌數倍於甲女而亦欲與甲男聯姻甲男至此乃一旦變其愛情愛乙女而厭甲女夫甲男甲女之愛情在當時乃真愛情也非假愛情也然在後日則真愛情竟消滅至於無有是故非特假愛情之不可恃也卽真愛情亦有不可恃之時男子對於女子如是女子對於男子亦然是故交際而含有婚姻之關係者必須預卜其愛情能永久不變否也

## 第十一章 交際時須卜對手之情愛

吾人婚姻之離合類皆根於情愛情愛之真假與否須於男女交際上下之卜之之法亦不一其端大抵可於其人之一切舉止動靜而卜之譬如（一）其人喜輕與人約言而亦輕以失約者則必不可恃不肯輕與人約言一經約言則決不肯失約者則必可恃（二）其人性好動見異物而思遷者其人必不可恃其人性好靜不爲異物奪其所守者必可恃（三）其人常常愛惜



舊物者人必可恃。對於一切用具喜新而厭舊者必不可恃。(四)其人交友少而能始終敬愛者必可恃。交游廣博往往今日訂交明日忘之。或今日訂交明日絕交者不必可恃。故凡對於一人但自其飲食起居瑣屑之事細心考察即可知其人之品。即可知其人之性。譬如入其室而見其几席整潔者可知其人之勤也。入其室而見其几席凌亂者可知其人之惰也。見其起居有時作輟有序可知其人之信也。見其起居無定作輟不常者可知其人之不信也。斯事雖小可以喻大。人生品行性格均可於此見之。然吾又有言者。用此法以卜他人有三事必須知焉。其一當於無意中察其舉止言語。不可有意考試之。如有意考試則本人必蒙假面而吾不可得其真矣。其二當平時屢屢細察之。不可以一次之考察爲斷。一次考察或遇其偶然如此而吾卽信以爲一事。如是萬事皆然。一日如此日日皆然。認假爲真。誤偶爲常。



則其所得之結果又必相差遠甚（三）吾欲考察他人吾必先具銳利之眼。光具確當之見解然後能斷定他人之是非真僞苟非然者是猶盲人辨色。聾者論聲終必歸於謬誤也總而言之欲卜其愛情能永久不變與否斷非一日之事必也相處日久相遇頻數而又具銳利之眼光確當之見解有意無意徐徐察之然後能得其隱微斷非躁進急求冥行妄取者所能致也然而不慎之害受累終身悔之不及婚姻爲終生幸福所關何厭其繁瑣乎又何忍草率從事以求快於一時乎吾前所述不慎之由有三苟犯其一害卽隨之然其事淺而易知其害明而易防惟是愛情中變之害最爲難防而在交際之初尤不得預防及此也故吾不惜反覆言之舉其害並言其防之之法爲青年男女告焉讀者幸勿以爲贅言而忽之可也至於吾書名曰婚姻指南故本章所述不慎之害祇及於婚姻關係者他不贅焉。



## 第十四章 結論

既訂婚約。在性質上固已成爲未婚之夫婦。而實際及名義上。仍與朋儕無異。故於此時間中之交際。仍與未訂婚約以前相同。但有可以增進愛情之機。當盡量增進之。務使濃厚。迨結婚以後。在吾國之習慣上。觀之似已無所用。其交際其原因。乃在你與我之不分。及夫婦共產主義所誤。若以倫理的眼光觀之。你自是你。我自是我。你我決不容相混。不觀夫染色乎。綠與紅之相和。盡人皆知。而爲紫。接於吾人之眼簾者。固已成爲紫色。然考其本來。綠與紅之原質。依然存在。未嘗改變毫末。何況夫婦非顏色。可比以混合名詞。稱之曰夫婦。換言之。仍屬你我。萬不能以你與我組織而成之夫婦。作爲一個名詞也。準是而論。則你與我。決不容混合。你我既不能混合。結婚而後。夫婦當然亦未嘗可混。此理使然也。如是則夫婦間。亦有交際存乎其間。諺曰。



相敬如賓。正此之謂也。

結婚而後你我既依然存在。不過變換其名詞。而曰夫婦。故夫與婦之晉接。仍無異你與我之晉接也。特禮節上略爲簡單。非若平時之如對大賓也。夫婦晉接上之交際。固千頭而萬緒。詳爲細按。乃可以一愛字包括之。蓋夫婦相愛爲結婚後交際上最要之條件也。無愛之夫婦。宛如無礎之家。屋一朝遇有貧苦之暴風災厄之地震。則義理之柱倒。人情之屋傾。而對於社會之表面之扉破。其在他人之目中。將視爲潦倒不堪之匹偶。而家室亦遂東西離散。此其不幸。非罕觀也。愛實神聖。而爲人生最要之一。無愛則社會亦無進步。文明亦不普及。故古來文人之名家者。無不說愛者。爲愛而激爲失戀。而悟歐美作者。殆悉以愛爲小人之骨子者。亦宜哉。西諺曰。戀愛者盲目也。而婚姻則治其盲目之醫者也是。無理想之僞戀愛者。以迷愛見人。故不能。




發見。其。人。之。缺。點。雖。如。何。之。事。亦。認。爲。是。卽。盲。目。愛。者。也。其。盲。目。者。至。成。婚。同。居。始。見。其。缺。點。悟。其。不。足。此。則。非。眞。正。之。戀。愛。也。如。斯。之。婚。姻。非。成。功。之。婚。姻。而。爲。失。敗。之。婚。姻。故。與。眞。實。之。情。人。結。婚。者。所。須。以。滿。腔。之。愛。情。注。於。其。間。而。已。蓋。凡。屬。眞。愛。一。切。舉。動。皆。出。自。衷。不。必。盡。行。形。諸。語。言。而。交。際。之。能。事。自。畢。不。必。多。方。做。作。者。也。







EAST-ASIAN LIB. UNIVERSITY OF TORONTO



3 1761 03110 9879

FOR USE IN  
LIBRARY  
ONLY

HQ  
743  
H85  
1922  
v.1

BRITTL E SHELF